

SITAWUSUKA SIYE KUBANI NA?

 Mnaketfu Russell. Cha, loko... Cha. Yebo, ngicondze kutsi... Ukushito kutsi utsite kuba mkhulu kancanyana, ngako ngatsi... etulu ngalapha, kodvwa hhayi empeleni ngalendlela.

² Yebo-ke, sijabula impela kuba lapha neMnaketfu Ruddell nelibandla lakhe futsi, kusihlwa. Futsi banato tiphephetsa moyo, uma ninaye gesi, ngako tiveleni nisekhaya sibili. Ngihleti ngephandle emotwени futsi ngalindza kute kube sikhatsi sekungena, ngoba be—bengati kutsi kuyofutfumala. Kubukeka kwangatsi, e-Indiana, sinebusika bese-ke siba nelihlobo, bese-ke siva ngco ebusika futsi.

³ Futsi ngako ngijabula ngalokuphindhzekile, kusihlwá, kuba kulelipulpi^t neMnaketfu Ruddell, ngoba uMnaketfu Ruddell ucishe impela afane nalomunye webafana bami lucobo. Ngiyakhumbula, eminyakeni leyendlula, ngesikhatsi babe wakhe nami sisebenta ndzawonye. Kwase kutsi-ke ngesikhatsi lomfana efika, futsi watfola imfundvo yakhe, waya eSikolweni seliBhayibheli saNkulunkulu, kwatsi kubalukhuni kuye kutsi acale. Kubukeka kwangatsi nje bekangafuni kuphuma, ngandlela tsite. Usemuva, anemahloni. Kodvwa, ekugcineni, wefika ekugcineni, futsi lesi titselo tekufika ekugcineni kwakhe. Futsi ngiyacabanga, cobo lwami, kutsi uMnaketfu Ruddell usandza kucala nje. Loku kucala nje. Futsi kulukhuni kusho kutsi loku kutokhula kangakanani. Ngiyetsema kutsi kumbonya emahlatsi lamnyama etulu lapha. Njenge... .

⁴ Bengitsi kulomunye, ngaphandle, uMnaketfu Mike Egan. Eminyakeni lembalwa leyendlulile, ngangivamise kutingela tikwireli khona ngalapha ekhatsi lapha. Tintfo titsatsa kanjani. Kubukeka kwangatsi imphucuko ivele itsatse nje. Singeke sibe nenzawo yekutingela tikwireli noma kutingela umgwaja, nhlobo, uma lendzawo ichubeka njalo ikhula lapha. Kunjengako nje. . .

⁵ Eminyakeni lembalwa leyendlulile, etulu lapha endzaweni lendzala lapho ngakhuliselwa khona, ngani, beniyohamba limayela niye kumakhelwane. Manje, ungeke uwaphonse emanti aphume ngemnyango longemuva, ngaphandle uma bewungawaphonsa emnyango wakhe. Ngako, wonkhe umuntfu nie wonkhe aminvene ndzawonye.

⁶ Kuhle kuba lapha. Futsi ngingeke nginihlalise sikhatsi lesidze. UMnaketfu Ruddell ungcicelile, ngalesinye sikhatsi, kutsi

ngite lapha etabernakeli, ngikhulekele labagulako.

⁷ Ngicabanga kutsi, intfo yinye lokuyentako kumfundisi losemncane kanjena, uma sifika futsi sikhulekele labagulako, futsi ikakhulukati uma iNkhosi yetfu itosikhombisa nje lenye yeNkhatimulo yaYo, itocinisa lelibandla lelincane. Ngibona labanye bebangani bami lapha labavela etabernakeli, nalabanye bemagonsa, nakanjalonjalo. Futsi manje, laba, labanengi balabantfu laba bayibonile iNkhosi iphilisa labagulako. Futsi, yebo-ke, uma nje Atosentela kona futsi kusihlwa, ete enkhundleni, eNkhatimulweni yaKhe, kuto-kutocinisa kukholwa kwebantfu. Ku-kutobanika li-litsema.

⁸ Kutomsita uMnaketfu Ruddell, ngoba uMnaketfu Ruddell utimisele kushumayela liVangeli leliGewe. Manje, bengingajabha kuye naka ngenti kanjalo. Nginesiciniseko kutsi iNkhosi beyingawkwenta. Ngako, futsi, ke, utohlala naKo ngco. Futsi mhlawumbe letinkonzo letincane titokwenta, kanjena, ngesikhatsi labanye betfu bashumayeli labadzala, niyati, bangangena, ngani, kusita labobafana labancane ngephandle.

⁹ Futsi manje, kubafo balatabernakeli, bengiyoba sentasi kusasa, kodvwa nje ngi... Manje, anginawuba naso sikhatsi manje kute kube mhla tilishumi nesihlanu ngeNgci. Ngumhlangano nje emvakwemhlangano. Ngako mhlawumbe ngito, ngingahle ngite kuSontfo sikolwa, kodvwa hhayi kutsi ngikhulume.

¹⁰ Futsi ngiyacolisa kuva, cishe nje e-aweni linye lelendlulile, kutsi uMnaketfu Neville, umelusi wetfu, umlamu wakhe ungcwatjwe namuhla. Angati noma lelitabernakeli belikwati yini loko. Angicabangi kutsi uMnaketfu Neville ulapha. Ngicalate yonkh'indzawo, ngaphambi kwekutsi ngisho loku. Angati noma bakwatile yini kutfumela timbali entasi lapho. Angati nje. Ngisandza kukufundza nje, emizuzwaneni lembalwa leyendlulile. Billy ungitjele kutsi ukhona umuntfu lotsite lowamtjela kutsi umlamu weMnaketfu Neville ungcwatjwe namuhla. Impela ngiyacolisa kuva loko. Bekasihlobo sami lesikhashane, ngemshado. Futsi ngiyacolisa kuva loko, kuhamba kwakhe.

¹¹ Labanye lababili bebangani bami balele entasi lapho, kusihlwa: Dave Wright neMnumz. Henson. Beringati ngisho nekutsi bebagula. Bobabili bafela etibhedlela, itolo futsi namanje ekuseni, ngiyacabanga.

¹² Ngako, kuyakhombisa intfo yinye, kutsi asikho lapha sikhatsi lesidze kakhulu. Siyachubeka ngco sehle ngelilayini. Asati kutsi sikhatsi sini Nkulunkulu latokhipha ngaso inombolo yetfu eshelufini lemakhadi enhla lapho. Sitodzingeka siphendvule.

¹³ Ngako njengoba singena kulenkonzo, kusihlwa, ngiyati kuyashisa, kabi kakhulu. Kodvwa asikhumbule kutsi sita

lapha kutsi sente lokuhle lokwendlula konkhe lesingakwenta, kukhombisa kuNkulunkulu kutsi sicutfo futsi siyaMtsandza. Futsi sifuna wonkhe umunfu lapha, longaMtsandzi, kutsi atsandzane naYe kusihlwa. Futsi wonkhe longaMkholwa, sifuna aMkholwe, kusihlwa, ngenhlitiyo yakho yonkhe. Kute lomhlangano ube yintfo letsite letoba luphawu lwemlandvo, enhla lapha kulelitabernakeli, kutsi ungakhomba emuva kulesikhatsi lesi, futsi utsi, “Ngalobo busuku, iNkhosi yefika kutsi futsi yenta kutsi-nekutsi.”

¹⁴ Ngako, manje, ngaphambi kwekutsi sivule liBhayibheli ekufundvweni kweLivi...

¹⁵ Niyangiva emuva lapho kahle, emuva le ngemuva na? Ngiyatibuta, ngalapha, uma u... Nikuva kahle loko na? Ngabe loko kukahle, *lapho* na? Angikaboni kuvuma ngenhloko lokunengi. Kutsiwani ke ngaloku, ngabe loko sekuncono na? [Libandla litsi, “Amen.”—Umhl.] Kulungile. Kugcineni nje ngco *kanje*, ke.

¹⁶ Manje asikhotsamise tinhloko tetfu umzuzwana nje sentele umkhuleko. Futsi angati, ngesizotsa salomzuzwana, angabakhona yini lapha longatsanda nje kukhunjulwa emkhulekweni, ngekuphakamisa tandla takho na? Nkulunkulu akubusise, ngamunye. Uyabona futsi uyati.

¹⁷ Babe wetfu loseZulwini lonemusa, sita eBukhoneni baKho ngenhlonipho, singakakhotsamisi tinhloko tetfu kuphela, kodywa tinhlitiyo tetfu tikhotseme. Ngoba siyacondza kutsi kubhaliwe eVini laKho, kutsi, “Lapho lababili noma labatsattu babutsene khona, ngiyobasemkhatsini wabo.” Ngako sicinisekile kutsi Ulapha manje, kutsi Moya loyiNgcwele lomkhulu uhamba kulesakhiwo lesincane, ngoba setsembiso saNkulunkulu.

¹⁸ Sikhulekela kutsi Utobusisa umbutsano wetfu kusihlwa. Busisa lelibandla lelincane nemelusi walo, nabo bonkhe labatisebenti letibambisene, onkhe emalunga. Futsi kwangatsi lingakhula futsi likhule lize libe ngumbhoshongo wekukhanya kakhulu kwentela uMbuso waNkulunkulu, kute bantfu bakhashane nebadvtane, bangavakasha, kute babaone imisebent yeNkhosi. Kwangatsi kungaba njengelithempeli lalabadzala, kutsi bantfu labavela emhlabeni wonkhe jikelele bete kutokuva kuhlakanipha kwaSolomon, naletu tintfo letinengi letinkhulu letentekile. Futsi noma ngukuphi lapho sibutsene khona eGameni laKhe, leyo yindzawo yemhlangano, lithempeli leNkhosi.

¹⁹ Futsi sikhulekela kutsi Utohlionipha, kusihlwa, tinceku taKho, nemikhuleko lesiyentako kuWe, emaculo lesiwalabelako. Futsi busisa Livi, Nkhosi. Lapho Liphuma, kwangatsi Lingawela emhlabatsini lovundzile impela. Khona kuleli-awa leli, Nkhosi, sikhulekela kutsi Utokhipha yonkhe

imbali yemanyeva, yonkhe imphandze yebumunyu, nako konkhe kungakhola, etinhlitiyweni tebantfu; kute Livi liwele kulomuhle, lononile, umhabatsi lovundzile, kutsi Litoveta imiphumela lemikhulu kulabantfu laba.

²⁰ Busisa bonkhe labaphakamise tandla tabo. Wena ubabonile futsi wati tidzingo tabo. Siphe loku, Babe, ngeliGama leNdvodzana yaKho leNgcwele, iNkhosi Jesu, siyakucela. Amen.

²¹ Manje, kusihlwa, nine leni nemaBhayibheli enu, ngifisa kutsi nivule kanye nami kuJohane loNgcwele, sahluko se 6, futsi asicale cishe evesini 66, futsi sifundze tincwadzi letimbalwa. Johane loNgcwele 6:66.

Kusukela ngalesosikhatsi labanengi bebafundzi bakhe babuyela emuva, futsi bangabe basahamba naye.

Khona-ke Jesu watsi kulabalishumi nakubili, Ngabe nani nifuna kuhamba na?

...Simoni Phetro amphendvula, Nkhosi, sitawuya kubani na? ngoba wena unemavi ekuphila lokuphakadze.

Futsi siyakhola futsi sicinisekile kutsi wena ungulowo Khristu, iNdvodzana yaNkulunkulu lophilako.

²² Bengingakubita ngesihloko, ngitotsanza kukwenta loku: *Sitawusuka Siye Kubani Na?*

²³ Niyati, bantfu banamuhla bangulokukhulu njengoba kunjalo ngalolosuku. Bantfu bahambahamba, bangati kutsi bayaphi, futsi babonakale kwangatsi abanaki nalokuncane. Ekutfobeleni nje kuya noma ngukuphi lapho bafisa khona, ne-neluhlobo lwebantfu labafuna injabulo. Utsi nje akabe njengoba bekanjalo ngesikhatsi ashiya Nkulunkulu ensimini yase-Edeni, futsi washiyya kutsi atisebentele yena. Uvele nje ashiye Nkulunkulu aphume esitfombeni, futsi nje aye noma ngukuphi lapho afisa khona, futsi atsi kuhlanya kwenjabulo.

²⁴ Futsi—futsi akakantjintji kakhulu kangako ekusebenteni kwakhe. Akakantjintji kakhulu kangako emibonweni yakhe. Usayifuna inkholo yakhe yelicembe lemkhianwe, niyati. Ufuna kukwenta, cobolwakhe, bese uyatimbonya, bese uyasuka uyahamba njengekutsi, cishe, ngingasho njalo, cishe, njengalokholwakalako, kukholwakala kwekutentela, uma lelogama livakala linemcondvo. Utenta yena lucobo kutsi akholwe kutsi unguLOWENETISEKILE. Kantsi, phansi emphefumulweni wakhe, uyati kutsi uneliphutsa. Uyati kutsi noma yini umuntfu lafanele ayente, konakele kwekucala nje. Futsi angeke asaphindze atisindzise njengoba bekangatsatsa emabhandi akhe elibhudze futsi agcumele enyetini. Angeke akwente. Atama kwenta njalo, unjengengwe letama kukhotsa

emabala ayo kutsi acishe. Ukhombisa kuphela tono takhe tigcame kakhulu. Kodvwa yena, akafuni kulalela. Uyazulazula nje.

²⁵ Kodvwa, Phetro, ngalolosuku, bekangaphendvula njengencumbi yetfu kusihlwa. Bekatfole intfo letsite leyehlukile. Bekahlangene naJesu, futsi bekat kutsi kwakukhona intfo letsite lengetulu kwekungacini seki nje. Noma ngubani lowake wahlangana naJesu, akasafuni kuzulazula, nhlobo. Kukhona lokwentekako kuye uma ahlangana naJesu. Akabange asafana nhlobo. NaloPhetro bekahlangane naJesu, futsi bekatfole intfo letsite kuJesu leyayehlukile kunoma ngubani lomunye. Bekangakaze abekhona umuntfu lonjengaJesu. Futsi bekatfole lentfo letsite lenkhulu kuYe, leyamenta aphendvule lombuto, “Nkholosi, besingasuka siye kubani na?”

²⁶ Jesu watsi, “Manje, uma—uma nifuna kuhamba nalalabanye labangemashumi lasikhombisa, nikhululekile, chubekani nje nihambe.”

²⁷ Kodvwa Phetro watsi, “Besingaya kuphi na? Besingaya kubani na? Ngoba Wena wedvwa uneLivi lekuPhila lokuPhakadze.” Akekho lomunye lobekanaKo ngaphandle kwaKhe. NaPhetro bekakadze anaYe sikhatsi lesidze ngalokwenele, futsi bekakadze ayibonile imimangaliso yaKhe netibonakaliso, netimanga letivela kuNkulunkulu, futsi wati kutsi lelo kwakuliCiniso, kutsi BekaneLivi lekuPhila lokuPhakadze.

²⁸ O, kube kuphela besingahambisana naYe sikhatsi lesidze ngalokwenele kucondza loko, kutsi Yena yedvwa uneLivi lekuPhila lokuPhakadze.

²⁹ Manje Jesu bekanako yini loko kutsi kwakwehluke kakhulu kunanoma ngubani lomunye na? Kungani Bekehlukile kurabi na? Rabi bekangumphristi. Bekanguthishela, sifundziswa lesikhulu. Mhlawumbe, emfundvweni yelive, khashane kakhulu kunaJesu.

³⁰ Asinako lokubhalwe phansi kwaJesu kutsi wake waya esikolweni, noma afundze noma yini kumunfu. Bekangakudzingi. BekayiNdvodzana yaNkulunkulu. Kwakwembulwa kuYe, kuvela eZulwini, kutsi entenjani. Futsi lesambulo saseZulwini sasiletse umcondvo lonjalo etikwalabafundzi laba, waze Phetro watsi, “Singaya kubani, kuyotfola Loku na?”

³¹ Futsi kuyaphatseka nje kusihlwa. Besingaya kuphi kuyotfola Loku kube asitanga kuYe na?

³² Manje, ngibhale phansi lapha, esiceshini seliphepha, tizatfu letikhombisa, noma tintfo letisikhombisa, kutsi, tizatfu kutsi sifanele site kuJesu. Ngifuna kukhuluma ngaletintfo leti letisikhombisa emizuzwini lengemashumi lamabili noma

langemashumi lamatsatfu lelandzelako, ngaphambi kwekutsi sikhulekele labagulako.

³³ Ngani, kwakuyini, Jesu lebekanako, lokwakwehlukile na? Kungani Afanele abe nguYe kuphela na?

³⁴ Intfo yekucala, Jesu watsi, “NgiyiNdlela.” Manje, kunalinye kuphela liZulu, futsi kunamunye Nkulunkulu, neNdlela yinye yekufika Lapho. Atikho tindlela letinengi, kodvwa yinye kuphela iNdlela yekufika Lapho. NaJesu watsi, “NginguleyoNdlela.”

³⁵ Manje, sitama kwenta letinye tindlela. Sitama kusho kutsi kukhona letinye tindlela. Sinendlela yesivumokholo, futsi sitama kulandzela loko. Labanengi betfu, emabandleni, sinesivumokholo lesitsite lesi—lesingesuki kuso. Futsi loko kungahle kube kulungile, kube simbonyo selicembe lemkhawa.

³⁶ Kodvwa uma uya eZulwini, ufanele ute ngaJesu, ngoba UyiNdlela. Ayikho lenye indlela lengaba khona, kuya eZulwini, kuphela ngaJesu.

Sinetindlela lesitibita ngekutsi, “Lihlelo letfu.”

Buta indvodza, namuhla, “UngumKhristu na?”

“O, ngiyiMethodisti.”

“UngumKhristu na?”

³⁷ “NgiyiBaptisti. NgiyiPresbyterian. IPhentekhostali, noma iNazarini, noma intfo lefana naleyo.” Loyo akusiwo lombuto.

³⁸ Kuba ngumKhristu, ufanele ube kuKhristu. Futsi yinye kuphela indlela longena ngayo kuKhristu, futsi leyo akusyo ngetivumokholo noma ngemabandla, kodvwa ngembhabhatiso waMoya loyiNgcwele. Sifanele sitalwe kabusha. Futsi uma sitalwa kabusha, khona-ke sikuKhristu. Futsi uma ukuKhristu, useNdleleni, ngoba UyiNdlela.

³⁹ Kwakukhona indvodza, ngalesinye sikhatsi eBhayibhelini, kutsi Jesu, emfanekisweni waKhe lodvumile, wakhulumo ngayo. Kutsi, Watsi kwakukhona indvodza lenjingile, futsi yenta kudla kwakusihlwa kwendvodzana yayo, lokwakutoba kudla kwakusihlwa kwemshado. Futsi wamema bantfu kutsi bete. Futsi lapho kudla kwakusihlwa kwase kulungele nayoyonkhe intfo yase ilungele kutsi iphakelwe, tonkhe timenywa tatikadze tihlaliswe phansi. Futsi etafuleni kwatfolakala umuntfu lobekangakayigcoki ingubo yemshado.

⁴⁰ Manje, bantfu labanengi labafundza liBhayibheli bawujwayele kakhulu loMbhalo lona.

⁴¹ Nenkhosi yatsi kulomfo, “Mngani, kungani ute lapha ngaphandle kwengubo yemshado na?” Umbuto wabutwa, “Kungani ute ngaphandle kwengubo yemshado na?”

⁴² Futsi nike nacaphela, liBhayibheli lasho, kutsi, “Bekangakhulumi.” Bekangenakubhaca ngelicembe.

⁴³ Manje, ngibe nenjabulo yekuba setindzaweni tangaseMphumalanga nekubona kushada kwangaseMphumalanga. Abantjintji. Emasiko lafanako, etinkhulungwaneni teminyaka.

⁴⁴ Manje, uma kunesidlo sakusihlwa semshado lesitoniketwa, ekuhlonipheni lomunye umuntfu, umyeni unika tingubo bonkhe bantfu labangenako, ngoba bangani bakhe bangulabaphuyile, labanjingile, nalabanganaki. Kodvwa wonkhe umuntfu lammemako, uniketwa simemo, futsi kulesimemo lesi kuneligama lemyeni kuso. Futsi uletsa lesimemo lesi emnyango. Futsi kune—nemgeinimnyango lome emnyango, futsi unetembatfo.

⁴⁵ Ngako-ke, kukhuphuka umuntfu munye, logcoke kahle ngempela, nemlindzi mnyango amembatsise ingubo levamile, kuye. Umuntfo lolandzelako akhuphuke, agcoke kahlana, angakagcoki kabi kangako, kodvwa utfola lengubo lefana neyalona layitfolile lonjingile. Wase-ke lomfo lolandzelako uyeta, o, akungabateki, kodvwa amenyelwe ekudleni kwakusihlwa, nekuhlonishwa lokunje kumngani wakhe, aze awashe timphahla takhe futsi, o, ente lokunengi kakhulu kutilungiselela, kodvwa wakwentela lite.

⁴⁶ Kunjalo, tsine, akukho lesingawkwenta ngako. Nkulunkulu unikete insindziso yetfu ngaJesu Khristu. Futsi akusiko ngaloko lesingawkwenta, noma tingakhi tintfo letinhle lesingatenta. Lokukutsi, kulungile, akukho lokungashiwo lokumelene nako. “Kodvwa kungemusa usindzisiwe, ngekuholwa.”

⁴⁷ Bese-ke lendvodza tatane itfola luhlobo lolufanako lwengubo letfolwe yinjinga naletfolwe ngulelenye indvodza. Khona-ke, uma bahleti etafuleni, bonkhe babukeka bafana.

⁴⁸ Manje, kwentekani kulendvodza, kwentekani na? “Akakhonanga kuphendvula,” ngoba bekagibele wangena ngelifasitelo, noma wangena ngemnyango longaseluhlangotsini, noma ungene ngalenye indlela ngaphandle kwendlela leniketiwe yakhe. Futsi bekasilele lengubo.

⁴⁹ Nguleyondlela lokuyoba ngayo ngeluSuku lekwaHluelwa. Tikhona letinye tindlela. Kunetindlela telibandla. Kunetindlela tetivumokholo. Kunetindlela te—tetinfo letehlukene. Kodvwa Jesu watsi, “NginguleyoNdlela.” Johane loNgewe 10, Watsi, “Ngingumnyango esibayeni setimvu.” Nebantfu, namuhla, njengoba bebanjalo nje ngalesosikhatsi, bayala nje kutsatsa leyondlela. Bafuna indlela lengeyabo. Bacabanga kutsi yinhle ngalokufanako.

⁵⁰ Lapha esikhatsini lesitsite lesendlulile, ngikholwa kutsi kwakuseLouisville, kwakukhona insizwa. Futsi yatfola intfo letsite lengalungi kulenye yetindlebe tayo. Yebo-ke, waya kudokotela wakhe, nadokotela wakhe wamlindza emaviki

lamanengi. Futsi kwaya ngekuba kubi kakhulu. Ekugcineni, dokotela watsi, "Ngifanele ngikutfumele kucwephesha."

⁵¹ Futsi ngesikhatsi locwephesha acilonga lesigulane, kwakuligama lelitsite lelikhulu letekwelapha. Loko, angikholwa, kube bengikwati, kube bengingakhona kukusho, bengiyofanele ngikubhale, futsi ngizame kulisho li-awa, kulipela. Futsi-ke wawungeke wati kutsi ngitsiteni uma ngilipelile noma ngakusho, ngoba bengingati kutsi kwakuyini, kwekucala nje. Kodvwa kwakuyintfo lengalungi endlebeni yakhe, lebeyiyotsatsa imphilo yakhe. Wase utsi, "Lokugula sekuhambe umgamu lomudze kakhulu. Futsi angati nganoma ngubani lobekangakhona kuniketa lesigulane kucilongisiswa, kubona kutsi kuliciniso mbamba yini noma cha, kodvwa indvodza letsite lehlala eSt. Louis, dokotela."

⁵² Lomfana waphutfuma masinyane waya eSt. Louis. Lodokotela besekatsetse umhlalaphansi futsi bekaye eNew Orleans. BekawaseNingizimu, ngako wabuyela emuva entasi eNew Orleans. Lomfana watfola indiza, masinyane, futsi waphutfuma waya eNew Orleans. Dokotela lomdzala wakubuka, watsi, "Bakucilonga kahle, ndvodzana, futsi sekuhambe umgamu lomudze kakhulu."

⁵³ Nalomfo lomcane watsi, "Dokotela, ungangihlindza na?"

⁵⁴ Watsi, "Cha, ndvodzana. Ngingeke ngikhone kukwenta. Sandla sami asisacini ngalokwenele." Watsi, "Manje, angati namunye ngaphandle kwamunye umuntfu, emhlabeni wonkhe, longenta lokuhlindza." Watsi, "Leyondvodza iseDolobheni laseNew York manje, ihamba ngemkhumbi eholidini letinyanga letisitfupha e-Europe. Futsi angati noma ningambamba yini; futsi uma ngisho nimbamba, noma mhlawumbe utokwenta yini kutsi ahlindze. Nguye kuphela umuntfu lengimatiko, walesifo lesi lesingakejwayeleki, longenta lokuhlindza. Futsi ungeke walindza. Utobe sewufile emkhatsini wetinyanga letisitfupha."

⁵⁵ Watsi, "Ngena elucingweni. Mbite. Yenta lokutsite. Angifuni kufa. Mbambe, ngandlela tsite" Futsi ekugcineni bamtfola lodokotela futsi wavuma kwenta kuhlindza.

⁵⁶ Manje, ngesikhatsi lensizwa beyikhulumu nadokotela lomdzala, futsi yamtjela kutsi kwaskuyini inkhatsato yayo, futsi kwakukhona indvodza yinye kuphela leyayingenta lokuhlindzaa. Akabukanga dokotela lomdzala, njengalabanye bantfu babuka umshumayeli uma amtjela kutsi Jesu nguyonandlela kuphela yekutsi asindziswe. Akabukanga dokotela, atsi, "Yinkhulumo lenhle kakhulu, dokotela. Ngiyijabulele sibili ingcogco yakho. Ngitobuya kutokuva, ngalesinye sikhatsi."

⁵⁷ Manje, nguleyondlela bantfu labatsatsa ngayo buKhristu. Kodvwa uma nje benati kutsi kukufa kwala leyoNdlela. Kungalesosizatfu Phetro atsi, "Singaya kubani na? Ngoba

Wena wedvwa unekuPhila lokuPhakadze. Nguwe Wedvwa, neNdlela kuphela Nkulunkulu layibeke phansi, futsi leyo kuPhila lokuPhakadze.”

⁵⁸ Manje, sifanele sikhumbule kutsi UyiNdlela. Futsi uma ukuKhristu, uta kuKhristu ngekutalwa kuKhristu. Manje asikho sidzingo sekutjela bantfu iNdlela, nekutsi yini leNdlela, ngaphandle uma ubatjela kutsi kungenwa kanjani kuYo. Manje, utalelwé kuKhristu. Uba yincenye yaKhe. Uba sidalwa lesisha, noma lokudaliwe lokusha, uma utelela eMbuswemi waNkulunkulu. Uba yincenye yaKhristu.

⁵⁹ Ngesikhatsi ngitalwa emndenini wakaBranham, ngiba nguBranham ngekutalwa. Nguleyondlela logucuka ngayo ube yincenye yaKhristu. Futsi yindlela longena ngayo eNdleleni, ngekuTalwa lokusha. Kunjalo. Ungena kanjalo-ke eNdleleni. NaJesu watsi, “NgiyiNdlela.” Besingahlala sikhatsi lesidze kuloko.

⁶⁰ Kodvwa intfo lelandzelako Langiyo, UliCiniso. Akukho lutfo noma akukho muntfu lomunye loneliCiniso ngaphandle kwaKhe.

⁶¹ O, ngiyati sinabosonkholo, namuhla, hambani futsi nitsi, “Yebo-ke, manje, siliCiniso. SineliCiniso.” Siya ebandleni linye, batsi, “SineliCiniso.” Siya kulelinye libandla, batsi, “Tivumokholo tefu, sineliCiniso.” Siya kulomunye, “Sinekhathekizimu yasendvulo. SineliCiniso.”

⁶² Jesu watsi BekaliCiniso, ngako ningeke nibe neliCiniso nite nibe naJesu. UMtfola kanjani na? Ngekutalwa kabusha. Kodvwa ungeke ube neliCiniso ute ube naJesu.

⁶³ Ungeke, ube seNdleleni, ute ube kuJesu. Ungena kanjani kuYe na? “NgaMoya munye tsine sonkhe sibhabhatiselwe eMtibeni munye.” Khona-ke ukuJesu. Khona-ke useNdleleni. Khona-ke useCiniswensi. Jesu watsi, “NgiyiNdlela, liCiniso.”

⁶⁴ Futsi lenye intfo, intfo yesitsatfu, Jesu, sesifike kuYe, UkuKhanya lokukuphela kwako lokukhona. Kunjalo. O, sifuna kwehluka kuloko, kodvwa kuliciniso. Jesu nguye kuphela kuKhanya lokukhona.

Wena utsi, “NgingumRusselle, wakaCampbellite.”

⁶⁵ Noma kungaba yini, kukukhanya lokungemanga. Ungahle ube sebandleni laseRussellite. Ungahle ube sebandleni laseCampbellite, noma lelinye lelitsite “kukhanya” libandla. Kodvwa ute ungene kuJesu, awukho ekuKhanyeni. Usasolo usebumnyameni. Awunako kuKhanya ute ufike kuYe. Ngoba UyiNdlela, liCiniso, nekuKhanya, nendlela lekuphela yekuya kuNkulunkulu. “Akekho umuntfu lota kuBabe ngaphandle kwaMi.” Ngako, ungeke uye kuNkulunkulu, ungeke uye eZulwini.

⁶⁶ Ufanele ungene eNdleleni, naJesu unguleyoNdlela. Nguye kuphela liCiniso lelikhona. Futsi UkuKhanya kuphela, kuKhanya kweliciniso kuphela. Lokungukona kuphela lokucinisile, kuKhanya lokubonakalisiwe nguJesu Khristu. Sinekukhanya kwakaMormon. Sinekukhanya kweMethodisti. Sinekukhanya kweBaptisti. Sinekukhanya kwePhentekhostali. Sinato tonkhe tinhlobo tekukanya, kodvwa Jesu ukuKhanya kweliciniso. Nguye yedvwa kuKhanya lokukhona.

⁶⁷ Sibantfwana. Uma sitalwa kabusha, sibantfwana beluSuku.

⁶⁸ Bantfwana belive bahamba ebumnyameni. Bahamba ngesikhatsi sasebusuku. Batsandza bumnyama. LiBhayibheli lasho, kutsi, “Bantfu bayatsandza, bantfu batsandza bumnyama ngetulu kwekutsandza kukhanya, ngoba kukhanya kuyobonakalisa imisebenti yako.”

⁶⁹ Lilanga aliphume, nayo yonkhe imigololo lemidzala, tonkhe tilokatane letindzala, tilwanyana tembuso lomnyama, tikhansa ebusuku, utotsatsa ngaphansi kwentfo letsite. Leyo yindlela lefanako lapho kuKhanya kweliVangeli kucala kukhanya, sonkhe sento sebubi siyotama kukhansa ngaphansi kwentfo letsite. “O,” batsi, “sine—sinekukhanya, ngoba si—siphila esikhatsini sasebusuku.” Uma uhamba ekukhanyeni ngesikhatsi sasebusuku, uhamba ngaphansi kwekukhanya kwekwentiwa. Kunakunye kukhanya kuphela kwasemini. Loko kukhanya kwelilanga.

⁷⁰ Kunye kuphela kuKhanya kwebuKhristu kweliciniso, naloko kuKhanya kweNdvodzana yaNkulunkulu. UkuKhanya kweliciniso kuphela. Yebo.

KuYe kukuPhila, loko, impela njengoba kukhanya kwelilanga kuveta kuphila.

⁷¹ Yonkhe imphilo yetitfombo ivela nekukhanya kwelilanga. Emnyakeni lophelile kwakungiyo, nekutsi lichwa lasebusika nayo yonkhe intfo. Kodvwa masinyane nje lilanga lacala kushisa etikwemhlaba, kwentekani na? Kuphila lokusha kuyavela, lokusha.

⁷² Bengikhuluma nendvodza, uMnumz. Wood emuva lapho. Sasisentasi eKentucky. Ngahlangana nendvodza futsi yayifanele kuba ngumphikinkholo. Ngiva kutsi nje isandza kushona. Futsi yena, uMnumz. Wood, wenyuka wase uyambuta kutsi besingatingela yini tikwireli endzaweni yakhe. Watsi, “Impela, ungatingela tikwireli, Banks. Chubeka ngco.”

Watsi, “Ngiletse umelusi wami.”

⁷³ Watsi, “Awukacondzi kutsi sewehle kakhulu, Wood, ute ube nemshumayeli kanye nawe ngaso sonkhe sikhatsi na?” Futsi watsi...

⁷⁴ Ngaphuma emotweni futsi ngahamba ngaweleta lapho. Futsi kwakunesihlahla semahhabhula, yena nalomunye

lomdzala umnumzane lohloniphekile bekahleti ngaphansi kwaso. Futsi ngako ngatsatsa lihhabhula ngase ngicala kulidla. Futsi bekakhulumu nami. Futsi ngetfu-... uMnaketfu Wood wametfula. Njengoba... Watsi, "Angikwetfule kumelusi wetfu."

⁷⁵ Ngase ngitsi, "Unjani, mnumzane?" Futsi sacoca kancanyana, futsi ucala kukhuluma ngekutsi, yebo-ke, kutsi bekangakaze aye enkonzweni, futsi bekangati njengoba bekaageje noma yini.

Ngatsi, "O, yebo, sewunaye." Ngamvumela akhulume sikhashana.

⁷⁶ Futsi emvakwesikhashana, watsi, "Uyati kutsi kwakukhona umshumayeli loweta lapha eCampbellsville, noma e-Acton, lidolobha lelincane, enhla lapha etinkhundleni tekukhempa teMethodisti." Futsi watsi, "Loyomshumayeli bekangekho kulelive phambilini. Futsi ngalobunye busuku ngesikhatsi asetulu lapho ashumayela, enkonzweni yebusuku lobutsatfu, wabuka emuva phansi esicukwini, wase ubona wesifazane ahleti lapho, futsi wamtjela kutsi bekakhulekela dzadzewabo lobekahlala etulu lapha egcumeni, abulawa ngumdlavuza. Utsi, 'Uneliduku ebhukwini lakho lelikhikhi.' Futsi watsi, 'Tsatsa leloduku ulibeke etikwalowesifazane, futsi utophiliswa.'"

⁷⁷ Watsi, "Ngaloko kusa, umkami nami sasisenhla lapho." Wase utsi, "Sagucula loyo wesifazane lomdzala eshidini. Bekangakaphumi embhedzeni iminyaka lemibili, noma ngetulu. Ummdlavuza wesisu. Bekangakhoni ngisho nekugcina emanti esiswini sakhe."

⁷⁸ Futsi watsi, "Lodzadze uvukile emhlanganweni, futsi washiya ngalobo busuku, futsi wenyuka wase ubeka liduku etikwa lowesifazane." Futsi watsi, "Ngekusa lokulandzelako, bekapheka emacandza, nebhekhoni, futsi enta libhulakufesi, futsi adla."

⁷⁹ Futsi watsi, "Bekasetulu lapho. Loku yiminyaka lemitsatfu noma lemine leyendlulile, futsi," watsi, "usaphila."

⁸⁰ Watsi, "Manje, uma ake ete kulelive futsi, ngitomuva." Watsi, "Ngoba, waveta intfo letsite leyayenta yabukeka kakhulu kunesicuku nje semagama kutsi afundze. Kwetfula intfo leyayiphila futsi inemphilo. Wati kanjani kutsi bekahlala etulu lapho egcumeni na?"

⁸¹ Ngabuka ngale uMnaketfu Wood futsi nganikina inhloko yami. Futsi ngangime lapho, ngigcwele ludzaka, nengati yetikwireli, nayoyonkhe intfo, ngekuttingela. Bekangenawo umcondvo kutsi kwakungimi enhla lapho ngishumayela. Ngako we-wema lapho kancanyana, noma wahlala lapho, njalo.

⁸² Ngase ngitsi, “Mnumzane, ucondze kutsi, uma bewungabona intfo letsite leyayibukeka inguNkulunkulu, Nkulunkulu wenta intfo lengetulu kwemvelo na?”

⁸³ “O, yebo,” watsi, “loko kutongenta ngikholve.” Ngatsi, “Yebo, mnumzane.” Ngatsi, “Sidzala kangakanani lesihlahla semahhabhula na?”

⁸⁴ Watsi, “Iminyaka lengemashumi lamatsatfu nentfo. Ngasihlanyela lapho, ngako futsi umnyaka lonjena.”

Ngatsi, “Njalo ngemnyaka siyafika, sivete emahhabhula?”

“Yebo.”

⁸⁵ Ngatsi, “Loku manje nje kusekhatsi kwenyanga yeNgci. Asikaze sibenako nakunye kubandza noma emakhatsa.” Ngatsi, “Asikabi naso simo selitulu, nhlobo, kodvwa lihlobo lelishisako. Futsi ngitjele kutsi kunganji, kukanjani, kutsi lawomacembe ayahhohloka kuleso sihlahla na?”

Watsi, “Emanti esihlahla sekabuyele emhlabatsini.”

⁸⁶ Ngatsi, “Kube akabuyelanga emuva, khona-ke lesosihlahla besitokufa ngesikhatsi sasebusika na?”

⁸⁷ “Kunjalo. Emanti esihlahla aphakama esihlahleni, atosibulala. Afanele ehlele etimphandzeni futsi abhace.”

⁸⁸ Ngatsi, “Ngitjele kutsi yini leyenta lawomanti esihlahla, lapha ekhatsi nelihlobo, yini kuhlakanipha lokuwatfumela phansi angene etimphandzeni, kutsi siphile ebusika, kutsi sibuye entfwasahlobo lelandzelako, kuniletsela lesinye silimo semahhabhula. Ngitokutjela, nguMoya lofanako lowangitjela kutsi ngihambe ngitjele loyo wesifazane kutsi ahambe ayobeka leloduku etikwakhe. NguNkulunkulu lofanako.”

Watsi, “Awusuye lowomshumayeli na?”

⁸⁹ Ngatsi, “Yebo, mnumzane, nginguye.” Ngatsi, “Uyabona, ubuke intfo letsite emhlanganweni, kodvwa Nkulunkulu ukutungeletile ngco, ndzawo tonkhe. Ngeke nje uhlale ungaKuboni. Caphela imvelo.”

⁹⁰ Manje, labanye bantfu bangala kuhamba ekukhanyeni kwelilanga. Kube-ke bekungabakhona umuntfu lonjalo ke? Loko bekungatsi, “O, lilanga alikhanyi. Cha, mnumzane. Angikukholwa.” Futsi agijime ayongena ekamelweni lakhe lelingaphansi. Utsi, “Ngiyaphuma kuphela uma kubamnyama. Uma ngifikasi . . .” Wala lusito lwelilanga. Yebo-ke, uma akwenta, loko-loko nje buwula bakhe lucobo. Nguloko kuphela. Lilanga liyakhanya. Umuntfu lotsite uta efasitelweni futsi ampongolote, “Phuma, Johane. Lilanga liyakhanya.”

⁹¹ “Ngiyala kukholwa ngumbhedvo lonjena. Lobo buhlanya.” Manje, impela ugeja kufutfumala kwelilanga. Impela uphutselwa missebe leniketa kuphila. Impela uphutselwa ngulobuhle lebukhombisako, nalokuphila lekuniketako.

⁹² Nguleyondlela, wesilisa noma wesifazane atama kuya eZulwini ngesivumokholo, utama kuya eZulwini ngelibandla, ngaphandle kwajesu. Ungeke wakwenta. UyiNdlela, liCiniso, nekuKhanya.

⁹³ Njengoba impela l-i-l-a-n-g-a liveta yonkhe imphilo yalokumilako, i-n-d-v-o-d-z-a-n-a illetsa kuKhanya kwaPhakadze. Yena yedvwa unekuKhanya lokuPhakadze. Kungako sifanele site kuYe. Sitokugeja ngelibandla. Sitokugeja ngesivumokholo. Singeta kuphela kuYe futsi sitfole kuKhanya lokuPhakadze. Yena yedvwa. Phetro watsi, “Nguwe Wedvwa lonaKo. Kungalesosizatfu silapha. Sita kuWe, kuTokwemukela.”

⁹⁴ Manje, bukisisani uma loko kukhanya kwelilanga kucala kukhanya, ngani, akukho—akukho imbewu emhlabatsini ngaphandle kwaloko lokutophila. Akukho lokungakwenta.

⁹⁵ Ulungisa indlela leseceleni kwemgwaco yakho, noma entasi endleleni yakho, uytsele ngakhonkholo, uyente ibe ngemafidi lamane bubanti. Futsi uvumela lilanga likhanye, netjani buhlume, ubutfolaphi tjani bakho lobunengi kakhulu na? Khona lapho ngco emngcengcemeni wayo. Kuyini na? Nguletotimphandze. Ungeke wakufihla kuphila elangeni. Le lolanga liya ekukhanyeni, letotimphandze letincane lapho tiphumele le emayadini lalikhulu, uma kunesidzingo, futsi titokhuphuka. Lobo ngulotjani lobebuphansi kwendlela leseceleni kwemgwaco. Ngulobo lobebungaphansi lapho, lokukhanya kuyakhanya. Futsi uma kukhanya kukhanya, kuphila kufika kube khona.

⁹⁶ Futsi uma iNdvodzana yaNkulunkulu ikhanya etikwenhlitiyo, kuPhila lokuPhakadze kuba khona.

⁹⁷ “NgiyiNdlela, liCiniso, nekuKhanya.” Kunetizatfu letintsatfu lesifanele site ngato.

⁹⁸ Sesine, kutsi, Jesu nguye kuphela Sisekelo lesiphephile nalesicinile kutsi noma yini ingakhelwa etikwaso. Kunjalo. Ngiso kuphela Sisekelo lekungakhelwa etikwaso. Tonkhe letinye tisekelo tisihlabatsi lesibishako. “KuKhristu liDvwala lelimile ngyema; yonkhe leminye imihlabatsi isihlabatsi lesibishako.”

⁹⁹ Incumbi yebantfu bakhela etikwetingcebo. Batama kusebenta, babone kutsi malini labangayenta. Batsi, “Uma ngingeke ngikhone kuyisebentisa, bantfwana bami bangayisebentisa, emvakwami.” Kwentani na? Kuphindze kuholela ebugcilini. Uba sigcila emalini yakho. Bantfu labanengi abakwenti mhlawumbe... Awudzingi kutsi ube ngusotigidzi kutsi ube nguloko. Ungavele nje uhawukele imali yalomunye, futsi unelicala nje njengasotigidzi. Niyabona na? Kunalabanengi nje bosopeni, njengoba kunabosotigidzi, batawuba sesihogweni. Ngoba, kusimo sakho kuko, loko Nkulunkulu lakunike kona. Manje, uma walakhela etikwetingcebo, itokuwa.

¹⁰⁰ Khona-ke kunentfo lenkhulu leMerica letama kwakhela etikwayo. Itama kwakhela etikwesisekelo sekutsandvwa bantfu. Emantfombatane lamancane, bafana labasebasha, bababuka, tihlabani tamabonakudze, tihlabani temafilimu, batama kutiphatsisa kwabo, bagcoke njengabo, babalingise. Kwentani na? Kuholela ekuphileni lokonakele kwencushuncushu. Tinhlanga nelifolishi, lokutoshiswa ekwaHlulelwani.

¹⁰¹ Jesu nguye yedvwa Sisekelo, ngisosodvwa Sisekelo lesicinisekile. Ngalesosizatfu sifanele site kuYe. Akekho lomunye lonalesoSisekelo. Bunjinga abunaSo. Kutsandvwa bantfu akunaSo.

¹⁰² Futsi, namuhla, sinesisekelo sekawka lesinengi kakhulu. O, sifuna... Tsine nje... Bantfu baseMerica nje bangeke bente lutfo; NgeliSontfo batfola ku—bafanele bakhe lutsango; bafanele bente *loku*. Wentani na? Uyacondza kutsini? Sakhiwo sakho sitochunyiswa sibe ticucu, masinyane nje. Lesosisekelo sitihlabatsi letibhidlikako.

¹⁰³ Labanengi betfu, bakha etikwemfundvo. Asikwati ngisho nekutfola bothishela kutsi baye esikolweni, lesikhulumga ngabo. Manje, loko kulungile. Sikolwa silungile, endzaweni yaso, kodywa asiyuze sitsatse indzawo yaKhristu. Cha, mnumzane. Manje sine... Asikwati ngisho kutfola bothishela. Labasha betfu banekukhahla lokubi, bantfu baze bangatami ngisho nekubafundzisa. Oswald lomncane na—na—na Les, nabo bonkhe, bangagijimisa thishela baphume esakhiweni. Bangahlela kubhikishela. Bangagadla. Bangavala sikolwa. Angibasoli, bengingeke ngibe nguthishela wesikolwa, futsi, uma bengingaphuma kuko.

¹⁰⁴ Kodvwa sikhulumga ngemfundvo. Manje, loko kulungile, imfundvo. Asifuni sicuku sekungafundzi, kodvwa sifuna imfundvo ibesendzaweni yayo. Kodvwa inkhatsato yako kutsi, namuhla, sitamile kufundzisa lipulpiti letfu. Futsi ngesikhatsi senta, satsatsa iNdlela saphuma. NaKhristu ungleso Sisekelo naleyoNdlela. Ngesikhatsi sibeka imfundvo... Imfundvo ilungile.

¹⁰⁵ Kodywa, lalelani, tikhatsi letinengi, imfundvo iholela edimonini lemfundvo. Nalelodimoni lemfundvo likuholela ekwatini konkhe. Futsi uma ufika lapho, khona-ke uba ngumphikinkholo, futsi uphike Khristu. Ngako ungeke wakhela etikwesisekelo semfundvo.

¹⁰⁶ Kanjalo futsi singeke sakwakhela etikwemandla etembusave. Wena utsi, “Yebo-ke, hhe, kuyangitsintsa kakhulu. Ngiyi Demokhrathi. NgiyiRiphablikhi. Ngi...” Omabili lamaphathi abolile.

¹⁰⁷ Sinye kuphela Sisekelo. Yakhela etikwaKhristu. Lesive lesi asidzingi kwakhela etikwanoma ngusiphi lesinye sisekelo ngaphandle kwaJesu Khristu. Kunjalo. Asikho lesinye sisekelo

lesibekwako; asikho lesinye sisekelo lesibekiwe, lesingafinyelela eZulwini ngaso. Asikho lesinye sisekelo lesiphephile, kodvwa Sisekelo saJesu Khristu.

¹⁰⁸ Esikhatsini lesitsite lesendlulile, eNew York, bengibile ngingambisana nemngani wami, umfundisi. Ngase ngitsi, “O, lesosakhiwo lesikhulu! O!” Ngatsi, “Buka lapho. Mhlawumbe sititezi letingemashumi lasihlanu, noma emashumi lasitfupha. O! Yindzawo lenkhulukati. Kuhle kanjani pho!” Ngatsi, “Yebo-ke, akukho muntfu ekhatsi lapho.”

Watsi, “Cha, futsi ngeke kubekhona.”

¹⁰⁹ Ngatsi, “Kwentenjani?” Unginika silinganiso sekutsi lesakhiwo cishe sibita malini, kuletigidzi, kwakha lesakhiwo.

“Yebo-ke,” ngatsi, “kungani umuntfu lotsite angangeni kuso na?”

¹¹⁰ Watsi, “Masinyane nje lesakhiwo sesicishe impela sacedvwa, lonkhe lingephandle lipholishiwe, nayoyonkhe intfo,” watsi, “batfola kutsi sisekelo sasingakalungi. Sasibekwe etikweluhlobo lolutsite lwelitje lensipho, hhayi litje sibili, ngako-ke lesakhiwo sasilahliwe. Futsi ngako kusebentela intfo yinye kuphela, loko kutsi umakhi agibe ayofika esicongweni saso bese uyazuba, kute atibulale.”

¹¹¹ Akunandzaba kutsi lingaphandle libukeka kahle kanjani, asikho lesinye sisekelo lesicinisekile, kodvwa Sisekelo saJesu Khristu. USisekelo sibili lekutokwakhelwa etikwaso.

¹¹² IMexico, lidolobha lelihle; bengisekhatsi lapha, eminyakeni lembadlwana leyendlula. Lapho lomncane, umntfwana lofile . . .

¹¹³ Ngatsatsa indvodza entasi edolobheni esikhashaneni lesendlulile, idzakiwe ngako konkhe, ngayikhuphula. Futsi watsi, “Ngikubonile umile ngalesinye sikhatsi, Mfundisi, Dokotela, noma lenye intfo letsite.” UliKhatolika, washo. Wase utsi, “Waphilisa lencane, intfombatane lefile yabuya yaphila futsi. Mine,” watsi, “bengihlala njalo ngikuholonipa.”

Ngatsi, “Uyamati Jesu?”

Yatsi, “NgiliKhatolika.”

¹¹⁴ Ngatsi, “Angikaze ngikubute kutsi bewusontsa kuliphi libandla. Ngatsi, ‘Bewumati yini Jesu?’”

¹¹⁵ Futsi ngamacocela indzaba yalowesifazane lomncane loliKhatolika eme ngephandle lapho ngensimbi yemfica ekuseni, neluswane lolufile etandleni takhe, kute kugabance yelishumi ngalobo busuku. Liyidliva litulu, nekutsi iNkhosi yambuyisa kanjani lomntfwana lomncane ekuphileni futsi. Ngingeke ngibavumele bakumemetele kuze dokotela akumemetetele. Watsi, “Loluswane lufile.” Walumemetela, “lufile,” ngensimbi yemfica ngaloko kusa. Futsi lobu ngulobobusuku nase igabence

insimbi yelishumi. Nalomntfwana lomncane uyaphila namuhla, ngekwati kwami.

¹¹⁶ Manje, nakulelodolobha, lidolobha lelihle. Kodvwa takhiwo tonkhe seticala kubambeleka, ngoba babe nelisasasa kakhulu kutfola umakhi wesimanje, kutsi akhe lesakhiwo sibukeke kahle futsi sipolisheke. Lokukutsi, ngiyangabata kutsi ngabe ikhona yini indzawo emhlabeni lengayehlula, ngebuhle. Kodvwa behluleka kujula ngalokwenele kutsi befike edvwaleni.

¹¹⁷ Nguleyo indzaba ngemabandla etfu namuhla, mngani. Nguleyo indzaba ngeBaptisti, iMethodisti, iPresbyterian, iPhentekhostali, emaNazarini. Sifanele sigubhe, njengemuntfu ngamunye, futsi singetsembili emabandleni etfu. Sifanele sigubhe, cobo lwetfu, size sishaye leloDvwala Jesu lalisho. “Etikwalelidvwala Ngitawulakha liBandla laMi, nemasango esihogo angeke aLehlule.” USisekelo seliciniso kuphela, liciniso.

¹¹⁸ Bese-ke, lenye intfo, kwesihlanu, ngitodzingeka ngisho loku. Nguye kuphela lophumelelako nenjabulo lephephile nekuthula. Kungalesosizatfu sita kuYe. O, ngiyati ningahleka njengesilima, noma ningaphuma lapha futsi nihleke nize niphatfwe tisu, ngelihlaya lomunye loyingcweti yabobhayisikonho lalisho. Noma lomunye umuntfu, ungahle utfole lokunengi kakhulu kunatsa, futsi uhleke kwangatsi bewusiphukuphuku, kodvwa loko akukuletsi kuthula. Akukho lokunye kuthula, futsi ayikho lenye injabulo, njengetuka kuJesu Khristu.

¹¹⁹ Ngibabonile bantfu batentissa. Ngibabonile besifazane labasha batama kutitsintsitsa ndzawotonkhe nemalokwe lamasha labawagcokile, futsi bente kwangatsi bajabulile. Abanjalo. Bakha kuphela umlilo lopendiwe. Ungeke ufutfumale ngemlilo lopendiwe.

¹²⁰ Nitibonile tinsizwa letitama kucabanga kutsi tikhwepha takhe tatitinkhulu kakhulu kutsi ungabetsela sipikili phansi futsi ungalokotsi umtsintse, futsi umukhwa wawugobe umukhwa wawo kuye. Mniike iminyaka lembalwa nje, futsi sewujike wabuya sekagugile futsi sekashwaphene. Kute injabulo yaPhakadze ngaphandle kwaKhristu.

¹²¹ Bukani lapha. Ngitobeka... Noma ngumuphi wenu lapha, kusihlwa, emphilweni lephelele, umndeni wenu emphilweni lephelele, wonkhe longakuwe. Kutsiwani nga mama longekho lapha na? Wati kanjani kutsi babe wakho akafi manje na? Wati kanjani kutsi lomunye webantfwana bakho akabulawanga, emizuzwini lembalwa leyendlulile, longekho lapha na? Wati kanjani kutsi kukhona lokunye lokwentekile? Wati kanjani kutsi uyaphuma kulesakhiwo kusihlwa? Ungahle uwiswe kuma kwenhlitiyo. Awati. Ngako ayikho injabulo yaPhakadze ngaphandle kwaKhristu. Kungalesosizatfu sifanele site kuYe.

¹²² Ungaba nenkantini. Ungaba nenjabulo. Bewungaba netintfo telive. Kodvwa atisiyo injabulo lephumelelako. Akukho lokunganiketa kuthula njengaYe. Uniketa kuthula.

“O,” wena utsi, “Nginekuthula.”

¹²³ Uma wake wabanekuthula sibili, unaJesu. Uma ungenaye Jesu; awati ngisho nekutsi kuthula kusho kutsini ute kuYe.

¹²⁴ Ngibabonile bantfu, emakhosi, babusi labakhulu, emadvodza lamakhulu, tingijimi, tihlabani temafilimu, nako konkhe kwaloko. Abanakuthula. Babukeni. Bukisisani emehlo abo imizuzu lembalwa. Bangulabaguliswa yimizwa. Niyabona na?

¹²⁵ Kute wesilisa, kute wesifazane, kute umntfwana, kute longaba nekuthula ngaphandle kwaJesu Khristu. “Kuthula kwaMi Nginipha kona. Hhayi njengelive, nginipha Mine.” Niyabona na? Hhayi njengoba live likunika kuthula, kodvwa Unekuthula kwaPhakadze, kuthula lokuphumulile. Uma uphila, uma ufa, uma . . . akunandzaba noma imvula ifika noma lilanga likhanya, unekuthula, nakanjani.

¹²⁶ Ngiyayitsandza ingoma lendzala yeMnaketfu Shakarian layihlabelako, lomkhulu, lomkhulu, umfo lomdzala uyahlabela, “Nginekuthula njengemfula, nginekuthula njengemfula.” O, kunjalo. Uma unekuthula, unaKhristu. Khristu ukuthula kwakho. Ngako kungako sifanele site kuKhristu, kutfola kuthula.

¹²⁷ Manje, lenye futsi intfo futsi lengifuna kuyisho, intfo yesitfupha. Yena, noma i . . . Yebo. Intfo yesitfupha, Nguye kuphela imphumelelo lehlala sikhatsi lesidze. Ngitjele noma yini longayitfola, longayizuza, bekungaba Phakadze, ngaphandle kwaJesu Khristu.

¹²⁸ Yakha likhaya lelihle. Tfola sigidzi semadola. Bani nguwasifazane lodvume kakhulu eveni. Indvodza lenemandla kunawo onkhe lake ahamba etitaladini. Bani lirekhodi lelive, silwi lesibhadalwako, noma ngabe yini lofuna kuba ngiyo. Ubone kutsi awuwayindi yini, futsi ushaye situngeletane futsi ufe. Kunjalo. Ngeke kwenteke lokunye ngaphandle kwekutsatsa tinsuku letimbalwa kutsi kwenteke.

¹²⁹ Ngako, kuzuza kwaPhakadze kuphela lokukhona, nguJesu Khristu. Lapho, uma Angulokahle kakhulu nalokwendlula konkhe lesingakuzuza ngemphumelelo, asi—asikwente loko kuzuza kwetfu ke. Asiciniseke kutsi siyaMtfola. Ungahle ube ngumshumayeli, ungahle ube ngumelusi, ungahle ube lidikhoni, ungahle ube lilunga lelibandla; kodvwa uma ungenako ekuzuzeni kwakho ngemphumelelo . . . Ungahle uzuze kutsi utsi, “Ngingeke ngime ngize ngibe ngumshumayeli. Ngingeke ngema ngaze ngaba lidikhoni. Ngingeke ngema ngaze ngaba lilunga lelibandla.” Letotintfo tilungile, tihloniphekile. Kodvwa, lalela lapha, mnaketfu, ungemis weswele Jesu Khristu, noma awunayo

imphumelelo yaPhakadze. Ngoba, umelusi wakho, ya, umsebenti wakho wekuba ngumelusi, masinyane utoshabalala. Umsebenti wakho lapho webudikhoni utohamba masinyane. Bulunga bakho belibandla butobe kadze buphumile emicondvweni yebantfu, kjesikhashana nje kutsi bete. Kodvwa uma uzuze Jesu Khristu, khona-ke unekuPhila lokuphakadze, futsi ungeke ufe.

¹³⁰ Manje, kwekugcina, ngifuna kusho loku. Nasi lesinye sizatfu lesenta sifanele site kuJesu. NguYe kuphela lonekuguculwa. Ngijabula kakhulu ngaloko. O, loko kungenta ngitivele ngigewala lukholo. NguYe kuphela Longagucula. Yebo, mnunzane.

¹³¹ Ngitonitjela kutsini. Newukela esitolo ekuseni, noma ngeMsombuluko ekuseni, njengoba kukusasa kungeliSontfo. Wewukela esitolo semaphilisi bese utitsatsela umutsi lotsite lotokwenta ube ngcwele ute ukuguculele eNkhatimulweni. Ake—vumela dokotela ente kuhlindvwa kuwe, loko kutokunika kuguculwa usuke ethuneni ungene eNkhatimulweni. Ukhaliphe kakhulu futsi ufundzile kutsi utokwati kutsi kwakhiwa kanjani, njenga, lomunye umbhoshongo waseBhabheli; utophetsa ngendlela lefanako. Tfola. Tama kuya ngalenye indlela, futsi utfole.

¹³² Ngulabo kuphela labakuKhristu Nkulunkulu uyobaletsa kanye naYe. Kuguculwa kuphela lokungentiwa kusuka emhlabeni kuya eNkhatimulweni kungaJesu Khristu. Guye kuphela loguculako, indlela kuphela yekuguculwa umtimba. Ungeke ukutsenge. Ungeke. Ungeke wakusebentela. Ufanele ukwemukele. Kusipho kuwe. Kugucula kwaNkulunkulu, kukutsatsa.

¹³³ Yehla lapha urike utsenge umutsi lotsite lotokugucula, usuka ekubeni likhehla noma wesifazane, ubuyele ekubeni yinsizwa nentfombi. Tfola kutsi ungakutsenga yini. Awuyuze ukwente. Akuyuze kubekhona, ezingeni letemitsi yekwelapha. Akuyuze kubekhona kunoma nguliphi lizinga ngaphandle kwaJesu Khristu.

¹³⁴ Kodvwa Washo loku, “Loyo lodla inyama yaMi futsi anatse iNgati yaMi unekuPhila lokuphakadze, futsi Ngiyomvusa etinsukwini tekugcina, ngimgucule, ngimtsatse ngimfake eNkhatimulweni.” “Uma lomtimba wasemhlabeni udzilitwa, lelidvokodvo lasemhlabeni lidzilitwa, sinalo lelidlodvwa lelilindzile.” Kuguculwa, kuntjintjanisa tindlu, kusuka endzaweni kuya endzaweni. NguYe kuphela lonekuPhila lokuphakadze. Guye kuphela Lonenjabulo.

¹³⁵ Asengisho loku, futsi? Guye kuphela... KuYe nguyona ndzawo kuphela longaya kuyo, lapho ungaMboma khona. Indzawo kuphela loyoke ukhone kuMcondza kuyo, kungesikhatsi ungena kuYe. Ufanele ungena kuYe, kute ukucondze. Uma kungenjalo, utovele nje—utomangala nje

futsi ushaye inhloko yakho. Nitocabanga. Futsi nito... Kutoba yindida kini. Aniyuze nikucondze.

¹³⁶ Kungalesosizatfu lawomaJuda, ngaletotinsuku, watsi, "Ngani, lomfo unguBhelzebule. Lomfo *unguloku*, *lokwa*, *nalolokunye*." Abazange sebefike kuYe. Abazange baMemukele njengeNdlela. Abazange baMemukele njengeliCiniso, njengekuKhanya, njengeSisekelo, njengewekeCala, njengeweKugcina, njenga-Alfa, Omega, tonkhe leti letinye tintfo Langito. Ungiko-Konkhe. Kungalesosizatfu bebangeke baMcondze uma baMbona.

¹³⁷ Nako kuta Filiphu, loweta ngalapho wase ulandza Nathanayeli, waletsa Nathanayeli. NaNathanayeli, Jesu... wahamba eBukhoneni ba—baJesu. Ngesikhatsi Nathanayeli efika eBukhoneni baJesu, njalo, Jesu wambuka wase utsi, "Bukan umIsrayeli lokungekho nkohhliso kuye."

Watsi, "Rabi, Uke wangati nini na?"

¹³⁸ Watsi, "Ngaphambi kwekutsi Filiphu akubite, ngesikhatsi ungaphansi kwesihlahla, Ngikubonile." Ra-...

¹³⁹ Bashumayeli beme ngalapho, bapristi, batsi, "LoMuntfu unguBhelzebule. Unadeveli kuYe. Ungumbhuli."

¹⁴⁰ Jesu watsi, "Nisho loko ngekumelana naMi, Ngitonitsetselela. Kodvwa ngalelinye lilanga Moya loNgcwele uyeta, kutokwenta intfo lefanako, nelivi linye lelimelene naYe lingke litsetselelwe, litsetselelwe kulelive leli noma live lelitako."

¹⁴¹ "Ungakwenta kanjani," Watsi, "ningaNgilahla kanjani, libe livi lakho lucobo litsi ni 'bonkulunkulu'? Futsi uma bebabitwa nga 'bonkulunkulu,' lelita kubo Livi laNkulunkulu, ningaNgilahla kanjani ngelicala uma Ngitsi NgiyiNdvodzana yaNkulunkulu na?"

¹⁴² "Kube benimati Babe waMi, beniyongati naMi, futsi." Kunjalo. Watsi, "Akekho umuntfu longeta kiMi, uma Babe waMi angamdvonsi." Akukho muntfu loyocondza Nkulunkulu, ngaphandle kwaKhristu, wemukela Khristu. Ungeke wakucondza kophilisa kwaNkulunkulu.

¹⁴³ Ngani, lomunye utsi, "Jesu Khristu ungyue itolo, namuhla, naphakadze." Umelusi lomncane lapha angahle akushumayele.

¹⁴⁴ Labanye benu bangahle benwaye inhloko yakho futsi batsi, "A, angikukholwa loko." Niyabona na? Anisiso simo sekukukholwa. Kwemukeleni nje, ngekukholwa, khona-ke nitokubona.

¹⁴⁵ Jesu watsi, "Kusesikhashana nje, nelize lingke lisaNgibona, loko kutsi, luhlelo lwemhlaba ngeke lisaNgibona. Noko, nine nitoNgibona; nine, likholwa, ngoba Ngitawuba nani, ngibe ngisho nakini, kute kube sekupheleni kwemhlaba. Lemisebenti lengiyentako Mine nani nitoyenta. Ngisho naleinengi kunalona

nitoyenta, ngoba Ngiya kuBabe waMi. Ngitohamba, khona-ke ngitobuya futsi ngibe nani.”

¹⁴⁶ Nikhodemu wabuta umbuto. “Ngingatalwa kanjani kabusha. Sengiyindvodza lendzala. Ngingene esibeletfweni samake kwasibili na?”

¹⁴⁷ Watsi, “Uma umuntfu angakatalwa kabusha, angeke awubone uMbuso waNkulunkulu.” Manje, loko kuguculwa umtimba kukhona sibili “kucondza,” kucondza uMbuso waNkulunkulu. UMbuso waNkulunkulu usekhatsi kuwe, kute ningaWuboni empeleni, ngaphandle uma niWubona usebenta. Kodvwa indlela kuphela loyoke ukhone kuLiconda, ufanele ortalwe kabusha. Katalwa kabusha, ugcwaliswe ngaMoya waNkulunkulu, khona-ke ukuKhristu. Futsi uma ukuKhristu, Moya loyiNgewe lowabhala liBhayibheli, lowoKhristu lobonakalisiwe, ukuwe, kuticonda CoboLwakhe. Amen. Kungako ufanele ute kuYe.

¹⁴⁸ Nguleyo indzaba ngeMerica namuhla. Lemihlangano itsanyele live, kusukela emphumalanga, enshonalanga, enyakatfo, naseningizimu. Kungalesosizatfu ibhomu ye-athomu, ihlanyelwe ngaleya yalesive lesi. Kungalesosizatfu imbubbiso seyisedvute. Kungoba imisebenti yaNkulunkulu ibonakalisiwe, nebantfu basuka bahamba ngaphandle kwekuLemukela, ngoba abaMfuni. Banemahloni ngaYe. O, abanamahloni ngelibandla labo. Abanamahloni ngenkholo yabo. Kodvwa banemahloni ngaJesu Khristu.

¹⁴⁹ Ngesikhatsi baphostoli bashiya libandla labo, futsi bemukela umbhabhatiso waMoya loNgewe ePhentekhosti, wabenta bayendza njengebantfu labadzakiwe, bakhulumga ngaletinye tilimi, futsi bachubeka, futsi bachubeka, nekuphilisa labagulako, nakanjalonjalo. Futsi bebabitwa ngesicuku sa—sa—salabangakafundzi, bantfu labangati lutfo. LiBhayibheli latsi, “Bobabili bebangati lutfo futsi bangakafundzi. Kodvwa banaka kutsi bebakadze banaJesu,” ngoba benta ngendlela lefanako Lenta ngayo. Bebatu kutsi imphilo yaKhe yayikubo, ngoba bebenta lemisebenti Layenta.

¹⁵⁰ Jesu watsi, kuJohane loNgewe 14:7, “Loyo lokholwa ngiMi, lemisebenti lengiyentako Mine naye utoyenta.” Nako laph’ukhona. Kungako sifanele site kuKhristu namuhla.

¹⁵¹ Ngikholwa kutsi Khristu masinyane uyeta. Ngikholwa kutsi sisekupheleni kwemgwaco. Ngikholwa kutsi tive tiyehlukana. Ngikholwa kutsi sikhatsi sekugcina sesisedvute. Ngiyati kutsi ngiso. Ecinisweni, ngiyati mbamba kutsi ngiso. Ngitochubeka, futsi ngitsi, “Ngikholwa kutsi ngiyakwati.” Sisekupheleni kwemgwaco. Kutsi nje mangakhi emalanga, mingakhi iminyaka, noma emaviki, angati. Akekho lowatiko. Hhayi ngisho naJesu; Watsi, “Nkulunkulu uyakwati loko, kuphela.” Angati kutsi kutoba nini, kutsi kuyoba li-awa lini. Kodvwa ngiyati kutsi

masinyane, ngoba leti nguletintfo letifanele tenteke ngaphambi nje kwekuBuya kwaKhe.

¹⁵² Ake nginincenge, kusihlwa, mngani wami longaphandle kwaKhristu. Uma nifuna Sisekelo lesicinisekile, iNDlela, liCiniso, nekuKhanya, wemukela Jesu Khristu njengeMsindzisi locondzene nawe futsi ugcwaliswe ngaMoya waKhe. Khona-ke uma uMoya waKhe uhamba, utowati uMoya waKhe.

Nguleyo indzaba ngabo ngalesosikhatsi. BaMbonile.

¹⁵³ Lowesifazane emtfonjeni, bekati kakhulu ngaNkulunkulu kunaloko lokwentiwa nguuhafu webashumayeli, bangalolosuku. Ngani, watsi nje angaMbona, lowesifazane... Bekabukeka njengeliJuda lejejwayelekile, indvodza lejwayelekile nje. Futsi Watsi kuye, "Mfati, Nginatsise."

¹⁵⁴ Watsi, "Ngani, akusilo lisiko kini nine maJuda kutsi nicele emaSamariya lokunjalo."

¹⁵⁵ Watsi, "Kodvwa kube bewati kutsi Ngubani lobewukhuluma naye, bewutocela kiMi emanti. Bengitokunika Emanti longeke ute kutowakha lapha."

¹⁵⁶ Wachubeka akhuluma naye waze Wabamba umoya wakhe, wambamba, lokwakungakalungi kuye. Sonkhe siyati kutsi yini leyayingakalungi. Tsine bantfu labangeMamerica sikholwa kutsi bekasiphingikati. Bekenemadvodza lasihlanu, futsi ahlala neyesitfupha.

Ngako Watsi, "Hamba ulandze indvodza yakho, bese nita lapha."

Watsi, "Anginandvodza."

¹⁵⁷ Watsi, "Ukhulume liciniso. Bewunaliasihlanu, nalena lohlala nayo ayisiyo indvodza yakho. Ukhulume liciniso."

¹⁵⁸ Watsi, "Mnumzane, ngiyabona kutsi ungumprofethi Wena. Manje, siyati, uma Mesiya afika, Uyatenta Yena lucobo atiwe kitsi ngaleyondlela. Siyati kutsi Utositjela letintfo leti."

Watsi, "NginguYe, lolokhuluma nawe."

¹⁵⁹ Washiya imbita yemanti, wase uya edolobheni. Bekenteni na? Bekemukele. BekaSemukele, sambulo uma Sita kuye. Wagijimela edolobheni wase utsi, "Wotani, nibone uMunitfu Longitjele tintfo lengitentile. Ngabe Lona akusuye yini Mesiya na?" BekaLemukele. Nako laph'ukhona.

¹⁶⁰ Lapho, baFarisi nebaSadusi bagucuka, batsi, "UnguBhelzebule. Asinawutihlanganisa ngalutfo naYe. Ngoba kwabo re- . ." Bebanesisekelo. Bebanendlela. Bebanendlela.

¹⁶¹ LiBhayibheli latsi, "Kukhona indlela lebukeka iyinhle kumunfu; kuphela kwayo indlela yekufa." Ngako, musa kutsatsa leyondlela lebonakala icinisile.

¹⁶² Wotani kuKhristu, yemukelani Jesu njengeMsindzisi wenu, futsi nigewaliswe ngaMoya loNgewe. Khona-ke, uma Moya loyiNgewe acala kuhamba emkhatsini wenu, nitoWucondza.

¹⁶³ Nguleyondlela yekuphiliswa, yati kutsi ungubani umphilisi. Jesu Khristu ungumphilisi. Bekangenta kanjani uma Afika lapha, kusihlwa, kuniphilisa na? Bekatokwenta ngendlela lefanako Lenta ngayo emuva lapho.

¹⁶⁴ Wesifazane wacindzetela esicukwini futsi watsintsas sembatfo saKhe. Wagucuka wase utsi, “Ngubani loNgitsintsile na?” Futsi wonkhe umuntfu wema. Futsi Wacalata waze Wamtfola. Futsi Wamtjela kutsi bekanemopho, futsi watsi, “Kukholwa kwakho kukusindzisile.”

¹⁶⁵ Loyo kwakunguJesu itolo. Loyo nguJesu namuhla, uma Anguye itolo, namuhla, naphakadze. Ungeke ukukholwe loko ute wemukele Khristu kuwe, khona-ke Uyafakaza, cobo lwaKhe, kutsi NguYe. Niyabona kutsi ngisho kutsini na? Nguleyo indlela yekuMtfolia, kuMemukela.

¹⁶⁶ Kunetizatfu letisikhombisa kutsi kungani sifanele siMemukele manje. Singeke siye kulokunye. “Nguwe kuphela.” Ungeke uye ebandleni futsi utfole Loko. Angati lihlelo longaya kulo futsi uKutfo. A—angikamelani ngalutfo nelihlelo. Kodvwa bantfu labanengi bayacobanga nje, ngoba bawelibandla, nguloko kuphela labafanele bakwente. Ufanele ute kuJesu. UyiNdlela, hhayi libandla. UliCiniso, hhayi libandla. UkuKhanya, hhayi libandla. USisekelo, hhayi sisekelo selibandla. Uyinjabulo yaPhakadze, kuPhila lokuPhakadze, iNzuzo yinye kuphela lehlala sikhatsi, kuGuculwa lokukuphela kwako. Indlela kuphela yekwati Nkulunkulu, iNdlela lekuphela yekubona Sambulo, iNdlela lekuphela yekuphiliswa, kuta kuYe. Ufanele ute kuYe, futsi uMcondze, uMkholwe.

¹⁶⁷ Manje wena utsi, “Yebo-ke, Mnaketfu Branham, angikaze ngiyibone imisebenti lenjengaloko lokwake kwentiwa.”

¹⁶⁸ Yebo-ke, ngiyetsema niyakwenta. Ngiyetsema niyakubona loko. Umhlangano manje sewulungiselela kucala nje. Ngifuna nine lapha, lofunu kuMtfolia, kutsi niMati, nitokhuleka kutsi niMati. Bangakhi labangatsandza kuMati kute niMcondze uma uMoya waKhe ufika emhlanganweni na? Phakamisa sandla sakho. Utsi, “Ngitsandza kuMati ngendlela yekutsi ngitoMbona.” Ngiyabonga.

¹⁶⁹ BeningaMcondza kanjani na? Ngenca yekutsi Bekatokwenta lemisebenti lefanako Layenta ngesikhatsi Alapha emhlaben. Manje, Johane loNgewe 5:19, Watsini na?

¹⁷⁰ Wendlula ngasechibini laseBhethesda, lapho, sicuku lesikhulu sebantfu, labakhuatekile futsi bashwilekile. Jesu wahamba ngakuleto tinkhulungwane letimbili, noma ngetulu, bantfu, wahamba ngakubo. Wabona indvodza ilele eluhlakeni. Ngoba, Bekati, niyabona; Bekambonile, ngaphambili.

Bekakadze alapho yonkhe leminyaka. Futsi Watsi...Beka ngakakhubateki, bekangahamba. Watsi, "Utosindziswa na?"

¹⁷¹ Watsi, "Anginamunfu wekungifaka emantini. Uma ngita, lomunye luyangengca, lokwati kuhamba asheshe kakhulu, angene kucala." Watsi, "Ngiseta, lomunye uvele ahambe embikwami."

¹⁷² Watsi, "Tsatsa umbhedze wakho uye endlini yakho." Lendvodza yatsatsa umbhedze wayo futsi yachubeka.

¹⁷³ Wasukuma wabashiya khona lapho. Manje, loko akuvakalanga kahle hle, kwavakala na? Kodvwa loyo kwakunguJesu. Enhlitiyweni, "Ngani na?"

¹⁷⁴ Manje, uma nje nitofundza nichubeke, lelinye livesi, livesi le 19, nitocoondza kutsi kungani Akwenta. Ngесikhatsi baMbuta, Watsi, "Ngicinisile, ngicinisile, Ngitsi kini, iNdvodzana ingeke yente lutfo ngekwaYo. kodvwa loko Lebona Babe akwenta, loko ngulekwentako-ke iNdvodzana." Niyakubona na? "Njengaloku Babe, asebenta, Ngiyasebenta kute kube manje." Ngalamanye emagama, "Babe uNgikhombisa umbono. Ngiyakubona Langitjela kutsi ngikwente, futsi ngi—ngitawusho nje loko Latsi Ngikusho. Ngitokwenta kuphela loko LaNgitjela kutsi ngikwente."

¹⁷⁵ Yebo-ke, leso Sisekelo. Lelo liCiniso. Nguleyo iNdlela. Loko kuKhanya. Haleluya! Loyo nguJesu.

Utsi, "Angikaze ngiMbone."

¹⁷⁶ Asengisho loku, sengivala. Emavikini lambalwa lendlulile, entasi eFlorida, edvute neGulf yaseMexico, ndzawanatsite entasi ekhatsti lapho, noma entasi eKeys ndzawanatsite. Bekuhona lo—lodokotela, ngicabanga kutsi bekunguye, lowehlela kuyodweba. Futsi wa—wacasha umholi lomdzala lobekafanele kuba ngumholi lokahle kakhulu, lobekatokwati kutsi umfake futsi umkhiphe kanjani amantini. Nalomholi lomdzala wangena nje esikebheni, wase uyafuca, wase uyesuka uyahamba esiceshini lesincane lapho netigwedlo takhe, futsi walindza sikhashana. Futsi bekusengakasi.

¹⁷⁷ Futsi—futsi lomfo ucala kuva leyomimoya lecakile, lapho ifika elwandlekatini njalo ekuseni, ishwila. Watsi, "Awusho," ucala kucabanga, "sintanta ngephandle elwandle. Ligagasi liyasikhiphia." Wasibona sikebhe, sabukeka kwangatsi sasihamba. Watsi, wacabanga, "Angifuni kukhulumna lalowomholi, kodvwa kuncono—kuncono ngisho lokutsite." Wacala wachachatela. Watsi, "Awusho, mnumzane, sintanta ngephandle elwandle, asinjalo na?"

"O," watsi, "Angicabangi njalo." Thulela, wathula.

¹⁷⁸ Sikhashanyana, wacaphela sikebhe, sisolo sihamba, inkhungu nebumnyama. Watsi, "Sintanta ngephandle elwandle. Yenta lokutsite. Ungumholi. Yenta lokutsite. Phutfuma.

Siphumela elwandle. Nguyiphi indlela lesibuyela ngayo emuvana?”

¹⁷⁹ Umholi lomdzala, athule nje ngangoba angakhona, wahlala lapho, wase utsi, “Yebo-ke, awume kancane, kutokhanya, khona-ke sitokwati kutsi sikuphi.”

¹⁸⁰ Lindzani sikhashanyana nje. Kwangatsi kuKhanya kwaNkulunkulu kweliciniso kungakhanya kulesakhiwo, kusihlwa. Khona-ke nitobona kutsi nikuphi. Nitobona kutsi nguyiphi indlela lenitohamba ngayo, emvakwaloko.

Asikhuleke.

¹⁸¹ Babe loseZulwini, kushitowo emiBhalweni, “NgiyiNdlela, liCiniso, nekuKhanya. Akekho umuntfu lota kuBabe, ngaphandle kwaMi. Ngingumnyango esibayeni setimvu.” “NGINGUYE, NGINGUYE, NGINGUYE,” kuchubeke njalo njalo, Uze ekugcineni uphetsele, kutsi utsi, “NGINGUYE LENGINGUYE.” Kutsi “NGINGUYE” lobekangesuye itolo noma kukusasa. Kuhlala kukhona, lolokufanako, “NGINGUYE.” Kuwo wonkhe umnyaka, kuso sonkhe situkulwane, kulolonkhe liPhakadze, namanje, “NGINGUYE.” Manje, Usenguloye lomkhulu “NGINGUYE,” hhayi lo “Nganginguye” noma “ngiyoba nguye.” Noko, Wawunguye, futsi Uyoba nguye. Kodvwa, noko, Uhlala ukhona, “NGINGUYE.”

¹⁸² Akumangalisi umpostoli atsi, “Singaya kubani, Nkhosi? Singaya kubani na? SiyaKubona wenta letintfo leti. Siyati kutsi akukho muntfu longenta letintfo leti, uma Nkulunkulu angekho naye.”

¹⁸³ Nikhodemu wamemetela lokufanako, “Rabi, siyati kutsi Wena unguMfundzisi lovela kuNkulunkulu. Siyakwati. Tsine baFarisi, tsine malunga elibandla, siyakwati. Singeke sakwemukele. Sitokhishwa ebandleni. Kodvwa siyati kutsi Wena unguThishela lovela kuNkulunkulu, ngoba akekho umuntfu lobekangenta lemisebenti Loyentako, ngaphandle uma Nkulunkulu anaye.”

¹⁸⁴ Liciniso, Nkhosi, loko kuyafana namuhla. USisekelo lesifanako; iNdlela lefanako, liCiniso lelifanako, kuKhanya lokufanako. SiSekelo lesifanako! Uyinjabulo lefanako. Ulihumusho lefanako. Ungulofanako kuko konkhe. Unguye itolo, namuhla, naphakadze; Loyo lofanako lowati imfihlo yenhlitiyo. Longuye itolo, namuhla, naphakadze; umphilisi lofanako, uMsindzisi lofanako.

¹⁸⁵ Nkulunkulu, kungahle kubekhona toni lapha. Tandla lettingemashumi lamabili noma emashumi lamatsatfu tiphakamile, esikhashaneni lesendlulile, ngesikhatsi ngibuta kutsi ngubani longatsandza kuKubona. Ngiyababeka, sikhashana lesidzanyana, ngekuphawula kwami kwekugcina, “Lindzani ite iNdvodzana ikhanye, khona-ke nitobona kutsi nikuphi. Ningabi ngulabaphazanyiswe kwesaba. Ningabaleki

niphume ebandeleni. Ningabi, nitsi, ‘Kuyashisa kakhulu kuchubeka kuhlala sikhatsi lesidze.’ Kodvwa ake silindze sikhashanyana. INdvodzana ayikhanye. Akuvele kuKhanya. Akute Jesu enkhundleni futsi ente futsi ente njengoba Enta lapha ngesikhatsi Asemhabeni, khona-ke sitobona kutsi nguyiphi indlela lesitohamba ngayo.” Siphe kona, Babe. Sicela loku eGameni laJesu nangenkhatimulo yaKhe. Amen.

Ngiyati kuyashisa. Asinaso sikhatsi lesinengi kakhulu.

¹⁸⁶ Bangakhi lokholwako kutsi leto titatimende tiliciniso na? Ayikho lenye indlela yekujika. Ayikho lenye indlela.

“Yebo-ke, ungaciniseka kanjani?”

¹⁸⁷ Ngililahlile libandla, njengenhlangoano. Ngisilahhlile sisekelo lelakhelwe kuso, etikwemfundziso yabobhishobhi nakanjalonjalo, “Banesimo sekumesaba Nkulunkulu, eMandla ako bayawaphika.” Ngoba, abakholelwka ekuphiliseni kwaNkulunkulu. Abakholelwka embhabhatisweni waMoya loNgcwele. Abakholelwka etiMfundzisweni teliVangeli leligcwele. Lihlelo labo, emaPhentekhostali, liya ngekukhwesha nje. Kunjalo. EmaNazarin, iPilgrim Holiness, bayakhukhuleka, ngoba bacala kwemukela imfundziso yemuntfu, inkholo yelicembe lemkhwi. Indvodza, itenda, “Singayaphi na?” Nitoba njengalaba labangemashumi lasikhombisa, labatawuhlubuka na?

¹⁸⁸ Noma, ungaba njengaPetro, kusihlwa na? Utsi, “Nkhosi, besingayaphi na? Singaya kubani lomunye na? Sibonile kutsi Wena uneLivi lekuPhila lokuPhakadze. Nguwe Wedvwa lonako.”

¹⁸⁹ Futsi Jesu nguYe kuphela lonemphefumulo wakho esandleni saKhe. Libandla lakho lingke likusite. Khristu uyakusita.

¹⁹⁰ Ungatfolaphi...noma ukholwe noma ubone Sisekelo lesingazuza noma yini emvakwekufa na? Yini libandla lelingakwentela kona emvakwekufa na? Yini libandla lelingakwentela yona ngesikhatsi bodokotela bakwala na? Yini umuntfu langakwentela yona uma isayensi yetekwelapha seyikugucukele, udliwa ngumdlavuza na? Akukho lutfo.

¹⁹¹ Kodvwa kuhona Sisekelo. Ukhona Munye. Kukhona iNdlela. Kukhona kuKhanya. Kukhona Nkulunkulu. Kunemphilisi. Ukhona uMsindzisi. Ukhona Lokhatimulisiwe, futsi Usemkhatsini wetfu kusihlwa, ngoba Wetsembisa kutsi Uyobakhona.

¹⁹² Futsi Watsi, “Lapho lababili noma labatsatfu babutsene ngeliGama laMi, Ngiyoba semkhatsini wabo. Lemisebenti lengiyentako Mine nabo batoyenta. Kusesikhashana nje, nelive,” lelo libandla nje, labangaphandle, “bangeke basaNgibona. Noko, nine nitoNgibona, ngoba Ngi...” Futsi noma ngubani lowake waya esikolweni sekubhalwa kwelulwimi uyati kutsi

“Ngi” sabito selucobo. Niyabona na? “Ngitawuba nani, ngibe ngisho nakini, kute kube sekupheleni kwemhlaba. Nalemisebenti lengiyentako Mine nani nitoyenta.” Wentani Yena? Njengoba Babe aMkhombisa.

¹⁹³ Kungalesosizatfu ngitsite esitatinendeni sami sekugcina, “Lindzani.” Angikashumayeli kini ngelite. Uma Jesu angakwenti loko lengikushoko, loko liBhayibheli lelati Wakwenta, loko lengikucaphune kuko, wena...umBhalo Wakwenta, khona-ke nginitjele lokuliphutsa; khona-ke liBhayibheli lineliphutsa; khona-ke asiphumele ngephandle futsi sitfole inkholo yakaMohamede, asitfole Buddha, lenye inkholo lecinisile.

¹⁹⁴ Ake ngikutjele khona manje, mnaketfu, ngaphambi kwekutsi ucale, yinye kuphela iNdlela, linye kuphela liCiniso. Yinye kuphela inkholo lekhona, lengafakazela kutsi uMsunguli wabo uvukile kulabofile futsi uphila kute kube phakadze, amen, lelo liBandla laNkulunkulu lophilako. Bentwiwe maMethodisti, emaBaptisti, iPresbyterian, nanoma yini lokunye, iNazarin, iPilgrim Holiness, emaPhentekhostali. Wonkhe umuntu lotelwe eMbusweni waNkulunkulu, lowemukele Jesu Khristu, lakhelwe kulesoSisekelo futsi angeke lendlule, laphumuta lelotsema laPhakadze. Naloku nje bangaphonsa kungcola ebbokisini lakho lekhaskethi, evikini kusukela manje, noko angeke kukukhatsate nakancane. Uvele nje usuke kulesakhiwo lesidzala, uye kulesinsha, nguloko kuphela. Uyokuvusa ngelusuku lwekugcina.

¹⁹⁵ Jesu Khristu nguyona ndzawo kuphela yekugucukela. Ngigucukele kuYe, ngayo yonkhe inhlitiyo yami, ngawo onkhe emandla ami. Njengoba bengiyoba njalo kube bengi netinkhulungwane letingemakhulu lasihlanu, njengoba senta eBombay. Lapha kulelibandla lelincane, kusihlwa, lebantu labalikhulu nemashumi lasihlanu, noma intfo lefana naleyo, mhlawumbe hhayi labanengi kangako. Indlela lefanako, kutiphumuta etikwaKhe, kutsi Utotembula Yena lucobo ngandrela tsite, kusihlwa, loko kutonenta nicondze kutsi Ulapha.

¹⁹⁶ Emakhadi ekukhulekelwa? Ngabe unikete lamanye na? [Lomunye utsi, “Ya.”—Umhl.] Kunjalo. Utsite ukhiphe lamangakhi na? [“Cishe emashumi lamabili.”] UMnaketfu Ruddell, bengilindzele, kusihlwa, impela. Kodvwa bekushisa kakhulu, bantfu beba tominyetelana futsi bapakishwe, futsi bapakishwe ekhatsi lapha, nalokunye—nalokunye. Kodvwa kunguloko, ngiyacabanga, ba...Njengoba ngentile, kucala. Bengifuna kuhamba ngiyolandza umkami, futsi ngashayela ngendlula, ngibone kutsi beku...bangakhi lobekalapha, futsi ngiyabona kutsi kwase kugewe, ngisandza kubuya ngingene. Niyabona na? Wota, jika ubuye.

¹⁹⁷ Manje, kuyashisa. Kodvwa, o... [Akucoshwanga etheyiphini—Umhl.] Labambalwa nje, bese-ke mhlawumbe sitfola labanye labambalwa, labanye futsi, futsi sibakhulekele.

¹⁹⁸ Manje, angisho kutsi iNkhosi itosentela noma yini legcamile. Mhlawumbe Utokwenta. Mhlawumbe angeke akwente. Angati.

¹⁹⁹ Manje, ini, nicale kumunye na? [Lomunye utsi, "Wekucala."—Umhl.] Wekucala. Kulungile. Ngubani lonelikhadi lekukhulekelwa lekucala na? Ungasiphakamisa nje sandla sakho. Lomunye lonelikhadi lekukhulekelwa lekucala. [Lomunye usho lokutsite.] Ucinisekile ngaloko na? Wekucala? ["Chubeka. Ume lengemuva."] O, ngiyacolisa. Kulungile, dzadze, wota khona lapha.

²⁰⁰ Wesibili, ngubani lonelesibili? Likhadi lekukhulekelwa lesibili, ungasiphakamisa sandla sakho. Lentfombatanyana.... O, ngi—ngiyacolisa. Likhadi lekukhulekelwa lesibili, ungasiphakamisa sandla sakho. Kulungile.

²⁰¹ Ucondze kutsi likhadi lekukhulekelwa lesibili alikho lapha na? Lodzadze. Kulungile. Wota khona lapha, dzadze. Khona ngalapha.

²⁰² Lesitsatfu. Bukan masinyane, manje, kungahle kube ngumuntfu losihhulu, noma lomunye umuntfu longakhoni kusukuma. Lesitsatfu, phakamisa sandla sakho, ngiyacela. Likhadi lekukhulekelwa lesitsatfu. Kulungile, mnumzane. Ngiyayati lendvodza. Kulungile.

²⁰³ Lesine, phakamisa sandla sakho. Likhadi lekukhulekelwa lesine. Lomunye unenombolo yesine, ngiyacela. Lodzadze lapha. Ngikholwa kutsi ngiyamati loyodzadze. Angiphosisi. Ngicabanga kutsi ngiyamati. Wesine.

Wesihlanu. Emuva ngemuva. Kulungile.

Lesitfupha. Likhadi lekukhulekelwa lesitfupha. Kulungile.

Lesikhombisa. Likhadi lekukhulekelwa lesikhombisa, umnumzane lohloniphekile eta.

Lesiphohlongo.

²⁰⁴ Billy, ungehla futsi ubalungise, kute kube nendzawo yekuma, noma lenye intfo letsite.

Lemfica. Ngubani lonelikhadi lekukhulekelwa lemifica na?

²⁰⁵ Lodzadze lapha? Kulungile. [Lodzadze utsi, "Lesiphohlongo."—Umhl.] Lesiphohlongo. Kulungile.

²⁰⁶ Lemfica, ngubani lonelikhadi lekukhulekelwa lemifica na? Calatani. Lomunye umuntfu angahle abe sihhulu. Lemfica. Lemfica. Ngabe baphumile bahamba na? Calata kuyakho.... Awusho, noma ngubani lonelikhadi lekukhulekelwa esandleni sabo, calatani. Kungahle kube ngumuntfu lotsite longakhoni kusukuma. Likhadi lekukhulekelwa lemifica. Asifuni kugeja noma ngubani.

²⁰⁷ Ngabe lodzadze lona *lapha* unenombolo yemfica na? [Lomunye utsi, “Cha, mnumzane. Lishumi nakune.”—Umhl.] Bukani.

²⁰⁸ [Lomunye utsi, “Emashumi lamabili nesitfupha. Emashumi lamabili nesitfupha.”—Umhl.] Cha. Cha. Loko ku-loko kusetulu le lapho.

²⁰⁹ Lemfica. Ungeke ute nje, ngaphandle uma inombolo yakho ibitwa, uma utsandza. Lemfica.

²¹⁰ Ngiyamati lodzadze lona. Nkkt. Ford, unalo likhadi lekukhulekelwa lemfcia na? Lomunye uyabona. Mhlawumbe akakhoni kuva. Gene, ungehlela lapha, umzuzu nje, futsi ubone ngako? UMnaketfu Fred, wota lapha futsi usite Billy, umzuzu. Kulungile.

²¹¹ Lelishumi, ngubani lonelelishumi? Lemfica, lelishumi?

²¹² Baphi bonkhe bantfu na? Kulungile. Sitocala ngalaba, ke, sitfole laba. Kulungile.

²¹³ Manje, bangakhi kini lapho elayinini lalabakhulekelwako longatiko na? *Uyangati*, futsi *uyangati*. Kulungile.

²¹⁴ Bangakhi khona lapho etetsamelini longangati na? Futsi anga... Uyati kutsi angati kutsi yini lengalungi ngawe, kepha noko uyagula na? Phakamisa sandla sakho. Kulungile.

²¹⁵ Manje, wena longangati, futsi angikwati, ngifuna wente loku. Ngifuna nibuke etulu ngalapha, futsi nente njengoba kwenta lowesifazane, sisenalelilayini lelincane lalabakhulekelwako.

²¹⁶ Manje, bukani. Labobantfu bayagula. Angiboni bantfu labakhuatekile, kodvwa—kodvwa labantfu laba uyagula. Manje, uma badzinga kuphiliswa, yebo-ke, kunamunye uMfo longabaphilisa, loyo nguJesu Khristu, nguMuntfu munye. Manje, Angakwenta kanjani na? Ukwenta kanjani na? Ngoba uyakholwa kutsi Ukwentile, kutsi uyakholwa kutsi Ukwentile. Manje, uma Aphila, khona-ke Usengumphilisi. Ngabe kunjalo na? Phakamisani tandla tenu. Uma Asaphila, Usengumphilisi. Kulungile. Khona-ke, uma Angafakaza kini kutsi Uyaphila, lapha kusihlwa, uma Angafakaza kuYe lucobo.

²¹⁷ Manje, Angeke abe lapha esimeni semtimba, ngoba umtimba waKhe uhleti ngesekudla saNkulunkulu. Bangakhi lokwatikloko na? Futsi wati kutsi uMoya loyiNgcwele, lowawukuYe, sewubuye lapha manje wenta imisebenti lefanako naLayenta ngesikhatsi AkuYe, loko Lakusho. Kulungile. Manje, uma Atokwenta leyomisebenti lefanako Layenta, kitsi.

²¹⁸ Manje, nine leningenawo lawomakhadi ekukhulekelwa, futsi aningati mine, futsi niphakamise sandla senu, buka ngalapha, bese utsi, “Nkhosi, ngiyakholwa kutsi Usekhatsi lapha, futsi ngifuna kutsintsa sembatfo saKho. Ngoba liBhayibheli lasho

kutsi Unguye, khona manje, umPhristi loMkhulu lonekuvelana nebutaksaka bami. Ngiyagula, futsi ngidzinga umkhuleko. Futsi ngifuna kutsintsa sembatfo saKho. Khona-ke, Wena khulumna ngeMnaketfu Branham futsi ungitjele kutsi angenteni.” Nje—nje yenta loko, utfole kutsi ngabe Ulapha yini, noma cha.

²¹⁹ Ngubani wekucala elayinini lala bakhulekelwako na? Kulungile. Ngabe yi la-...Loku, lodzadze losesitulweni lapha na? Kulungile. Kulungile.

²²⁰ Intfo yekucala, ngi—ngikholwa kutsi a—angikwati, angicabangi. Sitihambi lomunye kulomunye. [Lodzadze utsi, “Yebo, singito.”—Umhl.] Sitihambi. Kulungile. Manje, nangu wesifazane lengingamati. Angati lutfo ngaye. Angikaze ngimbone emphilweni yami. Usihambi kimi.

²²¹ Futsi silapha njengesitfombe, njengoba nje kwakunjalo eBhayibhelini. Lapha indvodza newesifazane babonana, njengaJohane loNgewe 4, uma nifuna kukufundza. Jesu wahlangana nalowesifazane emtfonjeni. Futsi Akazange ambone, futsi bekangaMboni, ngaphambili.

²²² Ngako Watsi, “Sifazane, Nginatsise.” Bekentani na? Achumana nemoya wakhe.

²²³ Futsi watsi, “Akusilo lisiko kumaJuda kucela emaSamariya lokunjalo. Asidlelani.”

Watsi, “Hamba ulandze indvodza yakho, bese nita lapha.”

Watsi, “Aginandvodza.”

²²⁴ Watsi, “Kunjalo. Unalasihlanu. Lena lohlala nayo ayisiyo yakho.”

²²⁵ Watsi, “Mnumzane, ngiyabona kutsi ungumprofethi Wena. Manje, siyati, tsine maSamariya, siyati kutsi uma Mesiya efika, Utositjela letintfo leti. Kodvwa Ungubani Wena?”

Watsi, “NginguYe, lolokhuluma nawe.”

²²⁶ Futsi wagijima, watjela lonkhe lidolobha. “Wotani, nibone uMuntfu longitjele tintfo lengitentile,” noma lokutsite ngaye. “Ngabe lona akusuye impela Mesiya na?”

²²⁷ Yebo-ke, uma leso kwaku sibonakaliso saMesiya ngalolosuku, futsi Unguye itolo, namuhla, naphakadze, bekungeke yini kufane namuhla njengoba kwakunjalo ngalesosikhatsi na? Bekangeke yini Ente intfo lefanako na?

²²⁸ Bangakhi kini kulesakhiwo, soni, noma cha, beka ngakukholwa uma Bekangakwenta ngendlela lefanako na? Ake sibone sandla sakho.

²²⁹ Manje nasi sandla sami. Ngekwati kwami, angikaze ngimbone lowesifazane emphilweni yami yonkhe. [Lodzadze utsi, “NgiyaKubonga, Jesu.”—Umhl.] Ume lapha, utsi, “NgiyaKubonga, Jesu.” Angahle abe ngumKhristu. Angahle angabi nguye.

²³⁰ Kunencumbi yebantfu letsí, “NgiyaKubonga, Jesu,” lengati lutfo ngaYe. Labanengi babo. Niyabona na? Watsi, “Labanengi bayokuta kiMi, ngaloloSuku, batsi, ‘Nkhosi, Nkhosi.’ Angizange sengize nginati,” Washo.

²³¹ Manje, uma Jesu anguye itolo, namuhla, naphakadze, futsi Ulapha emkhatsini wetfu, uma ngingatitfoba embikwaKhe, kutsi ngitinikele kuYe, khona-ke Bekatosebenta ngami njengoba nje Enta kwaKhe... Nkulunkulu utosebenta ngami njengoba Enta ngaJesu, nalowesifazane emtfonjeni na? Ngabe kunjalo na? Manje, naku lapho sikhona, sobabili asizange sesibonane. Kunganenta nonkhe nikholwe na? Ngabe kutocinisa kukholwa kwakho na? Khona-ke uma Alapha, uma Aphila, khona-ke Usenguye uMsindzisi wakho, usasolo angumphilisi wakho. Ngabe kunjalo na? Manje bonani kutsi Utokwenta yini.

²³² Manje, Nkulunkulu, loku kusetandleni taKho manje. Konkhe lokunye kungeKwakho, ngoba siyati kutsi umuntfu angeke akhone kwenta letintfo leti. Kufanele kuvele kuWe. Ngiyacela, Babe, kusihlwa, kute kusitakale bantfu lohleti lapha, ngenca yenkhitimulo yeliVangeli, akwentiwe, kusihlwa, Babe, kute bantfu batí kutsi Usasolo unguJesu Khristu, longuye itolo, namuhla, naphakadze.

²³³ Futsi kwangatsi lo—lobumnyama lobungahle bube kuletinye tetinhilityo tabo manje, bangati, bacagela, batibuta, uma nje Ungeta futsi ukhanyise kuKhanya, kwangatsi bangayibona leyoNdlela, ke, futsi bangene kuWe. Uma bagula, kwangatsi bangaphiliswa. Uma balahlekile, kwangatsi bangasindziswa. Sitobona indlela yekubuyela elugwini, uma iNDvodzana ivuka. Siphe kona, Nkhosi. Kwangatsi “liLanga lekulunga lingaphuma manje linekuphilisa etimpikweni taLo,” futsi wendlala Bunguye baKhe lobukhulu etikwalendzawo. Siphe kona, Babe. Sikucela inkhatimulo yaNkulunkulu, eGameni laJesu Khristu. Amen.

²³⁴ Ngifuna nihloniphe ngekutitfoba, ngoba siyacondza kutsi singeke... Loku akusiko kudlala lisontfo. Loku kubita Bukhona baNkulunkulu Somandla kulesakhwi lesincane.

²³⁵ Manje niyabona lapho ngime khona na? Kunebantu labalikhulu nemashumi lasihlanu lapha. Ngikushito loku ngaphambi kwemashumi etinkhulungwane, netinkhulungwane letilikhulu, nalabanengi njengetinkhulungwane letingemakhulu lasihlanu, ngasikhatsi sinye, lapho bebahleti khona lapho nebaphikinkholo, labangakholwa, emahedeni, baphatsi betinyoka, nako konkhe lokunye. Angeke ehluke.

²³⁶ Manje, Ufanele afakaze kutsi UnguNkulunkulu weliBhayibheli, noma nakungenjalo Akasuye Nkulunkulu weliBhayibheli. Futsi uma AnguNkulunkulu weliBhayibheli, Unguye itolo, namuhla, naphakadze, uma Angatjela lona wesifazane kutsi ute ngani lapha. Angizange sengimbone.

Noma, ngimtjele lokutsite latiko kutsi angati lutfo ngako. Uma Angamtjela lakutele lapha, njengoba Enta kulowesifazane emtfonjeni, uma Angachaza kuye intfo letsite layatiko. Uma ngingamati ngisho nekumati, futsi akangati, khona-ke naku sime lapha kwekucala emphilweni, impela loko beku ngakutamatamisa kamatima kakhlulu, ize yonkhe inkhungu isuke kuwe. Kwangatsi Angakupha kona, ngumkhuleko wami.

²³⁷ Manje, lodzadze lolapha kutsi akhulekelwe, ngifuna ngamunye akholwe manje. Manje, ngingamati lodzadze, ngitsanda nje kukhuluma naye umzuzwana nje, njengoba iNkhosi yetfu yenta lo—lowesifazane e—emtfonjeni, kute nje achumane nemoya wakhe.

²³⁸ Manje, mhlawumbe si... Asikaze sihlangane phambilini, kodvwa noko iNkhosi iyakwati, futsi Iyangati. Uma Angangitjela kutsi ute ngani lapha, kutongibuta ngako, intfo lo—loyatiko. Futsi angati lutfo ngani.

²³⁹ Manje, uma Akutfumele lapha, futsi wangiletsa lapha, kutsi mhlawumbe angakuchazela, noma Angakhuluma ngami futsi angitjele kutsi ute ngani langembili, kungakwenta uMkholve na? [Lodzadze utsi, “Yebo, kutokwenta.”—Umhl.] Bekungakwenta ukukholwe? Manje, ngiyabona.

²⁴⁰ Netetsameli tatsi batokholwa. Manje, naku lapho sikhona, silungele lokutsite kutsi kwenteke, uma Nkulunkulu asenguye Nkulunkulu. Intfo lefanako Jesu Khristu layenta!

²⁴¹ Sengiyambona lodzadze manje. Ufuna ngikhulekele emehlo akhe. Unalokutsite lokungalungi emehlweni akhe. Manje, loko bekungesiko kucagela. Kunjalo. Kubona kwakhe kuyehluleka, futsi ufuna kukhulekelwa, emehlo akhe. Lelo liciniso. Loko yi... Uma loko kunjalo, jikitisa leloduku kubo, dzadze.

²⁴² Manje, angikaze ngimbone ngaphambili, emphilweni yami. Yini leyenta loko na? Yini leyenta loko na? Ubonakala angumuntfu lolungile. Ucabanga kutsi ngikucombele loko na? Kulungile, sitobona.

²⁴³ Manje, dzadze, kutsi konkhe kusola kungakhishwa kulelibandla, kusukela manje kuchubeke, kutsi uma uMnaketfu Ruddell ashumayela loko, “Jesu Khristu longuye itolo, namuhla, naphakadze,” kute kwatiwe, ngalelipulpiti, kutsi Khristu Jesu wabonakalisa inkhatimulo yaKhe futsi wayifikazela kutsi injalo:

²⁴⁴ Manje, yebo, ngiyabona yena... Emehlo akhe aya ngekuba mabi. Kuchwala kwetinhlavu teliso lokusemehlweni akhe. Khona-ke, lenye intfo, unalokutsite lokungalungi ngaye. Une... Ube nekuhlindvwa kwalolunye luhlobo. Loko kwentiwe kwaba sibati lesikhulu. Akasuye wakulelidolobha. Kunjalo futsi akasuye wakulesifundza lesi. Uwase Kentucky. Kunjalo. Futsi unendvodzakati lafuna kutsi ikhulekelwe. Intfombatane lencane, cishe leneminyaka lesiphohlongo noma lelishumi

budzala. Ufunu umkhuleko waleyo ndvodzakati ngoba indvodzakati itohlindvwa. Lowo ngu ISHO KANJE INKHOSI.

²⁴⁵ Ubone kutsi loko kuliciniso noma cha. Ngabe loko kwakuliciniso, dzadze na? Uma loko kuliciniso, jikitisa leloduku futsi, kubantfu. [Lodzadze utsi, “NgiyaKubonga, Jesu. Uneminyaka lesifupha kuphela budzala.”—Umhl.] Yintfombatanyana. Kulungile.

²⁴⁶ Uyakhola kutsi Nkulunkulu angangitjela kutsi ungubani ligama lakho na? Uma Nkulunkulu... Lapha, ngitonikhombisa lenye intfo letsite. Naku kuta indvodza, ime eceleni kwakho, leyo yindvodza yakho. Uhleti emuva ngco lapha. Kunjalo. Udzinga kophiliswa futsi. Unesifo sensindze. Kunjalo. Ligama lakho unguCamper. Kunjalo. Futsi uwase Kentucky. Buyela entasi eKentucky, futsi wemukele... Tsatsa leloduku bese ulibeka etikwalomntfwana. Kholwa ngayo yonkhe inhlitiyo yakho, kube bete kuhlindvwa. Amen. Uyakhola ngenhlitiyo yakho yonkhe na?

²⁴⁷ Loko kucishe impela kube yi-encyclopedia yemphilo yalowesifazane. Ngibamba tandla tami, angikaze ngimbone ngaphambili, emphilweni yami. Kunjalo.

²⁴⁸ Manje, niyabona, utsintseni na? Wentani na? Watsintsia loyomPhristi loMkhulu. Utsintse Loyo longatsintfwa kuvelana nebutaksaka betfu. Amen.

²⁴⁹ Manje, kophiliswa ngufakazi waNkulunkulu lucobo, iNkhatimulo yaKhe luCobo. Kulungile.

²⁵⁰ Wena, ngikholwa kutsi usihambi kimi. Angikholwa kutsi ngiyakwati. Nkulunkulu uyakwati. Uma Nkulunkulu atokwembula kimi kutsi iyini inkhatsato yakho, noma kutsi ufunani; noma ngabe kugula, tasekhaya, kumbe noma kungahle kube yini; utokholwa ngayo yonkhe inhlitiyo yakho, utokholwa, dzadze na?

²⁵¹ Manje, nangu lomunye dzadze lengingamati, futsi akangati. Sitihambi ngalokuphelele kulomunye nalomunye. Lesi sikhatsi setfu sekucala sekubonana, emphilweni. Kodvwa, uma Moya loyiNgcwele angefika, Bukhona bungangena lapha manje futsi busitjele ngalokutsite ngalowesifazane!

²⁵² Manje, kumphilisa, bengingeke ngakwenta loko. Yena... Nkulunkulu wakwenta loko ngesikhatsi Afa eKhalvari. Uma asoni, ngingeke ngimsindzise. Ngoba, Jesu wakwenta loko e... Loko sekuvele kucedziwe. Kodvwa Angeta eBukhoneni baKhe beBunguye, kukhombisa kutsi Usaphila, futsi imisebenti yaKhe isasolo iliciniso, kukwenta kube ngulokuphatsekako kitsi, uma singakukholwa.

²⁵³ “Uma ungakholwa, konkhe kungenteka.” Uma nje ungakholwa manje. Bani nekukholwa kuNkulunkulu. Ungangabati.

Manje, umuntfu utivela akahle. Nje, loko kulungile.

²⁵⁴ Bengehla ngidzabula esifundzeni saseKentucky, ngalelelinye lilanga, Ngeva indvodza ita idzabula etihlahleni, imemeta. Ngatsi, “Ngabe leyondvodza... Yini indzaba ngayo na?”

Watsi, “Udzakiwe nje futsi utiva akahle.”

²⁵⁵ Injalo-ke nalendvodza, kodvwa idzakwe kunatsa lokwehlukile. Idzakiwe nje futsi itivela kahle. Kunjalo. “Ngako ningadzakwa tinatfo leticinile, kodvwa nidzakwe nguMoya,” kwasho liBhayibheli.

²⁵⁶ Manje, lona wesifazane lapha, asihambi, uma Nkulunkulu angamtjela kutsi inkhatsato yakhe iyini, noma intfo letsite ngaye, latiko kutsi angikwati, akabe ngufakazi, utokwati kutsi kuliciniso yini, noma cha. Ngabe kunjalo, dzadze na? Kungakusita uma Nkulunkulu enta loko na? Manje, kukuphilisa, dzadze, kube bengingawkenta, bengingawkenta, kodvwa ngingeke. Ngingumuntfu nje.

²⁵⁷ Kodvwa lodzadze ulapha kutsi akhulekelwe. Unesimo selitje lelisenyongweni. Kunjalo. Kantsi futsi unesifo sashukela. Nguloko lofuna kukukhulekela, akunjalo, dzadze na? Uma loko kunjalo, phakamisa sandla sakho, kute bantfu babone. Uyakholwa kutsi Nkulunkulu angangitjela kutsi ungubani na? Loko bekungakusita na? Bekungabanjalo na? Khona-ke, Nkkt. Johnson, buyela emuva futsi utsatse sihlalo sakho, futsi uphiliswe, uma ukukholwa, eGameni leNkhosi Jesu.

²⁵⁸ Uma ungeke ukholwe, angati kutsi yini lengalungi. Kukhona lokungalungi. Aniboni na? KuKhanya kweNdvodzana kuyakhanya. Leyo yintfo lefanako leyentiwa nguJesu Khristu.

²⁵⁹ Ngiyayati lendvodza. Bengi...Maketala wakhe ulapha. Futsi-futsi ngiyamati umkakhe. Angikaze ngimbone sikhatsi lesidze, lesidze. Ligama lakhe nguJames Morris. Kodvwa angati kutsi ute ngani lapha. Angati kutsi yini lengalungi ngaye. Angikaze ngimbone Jim sikhatsi lesidze kangaka. Kodvwa ngi...Bekangati ngesikhatsi ngisengumfanyana. Kodvwa, Jim, uma iNkhosi ingembula kimi kutsi utele ni lapha, ungakwemukela, njengoba...uyakholwa, khona-ke, utokutfolo lolokucelako? [Lomnaketfu utsi, “Amen.”—Umhl.] Ulapha ngendvodzana. Leso simo sengcondvo. Uyakholwa kutsi utophiliswa na? [“Amen.”] Hamba futsi ukukholwe, ke. Kholwa kuphela, ngayo yonkhe inhlitiyo yakho. (Ngicabanga kutsi ngifanele ngite ngalapha, Mnaketfu Jim.)

²⁶⁰ Ngiyamati lowesifazane. Ungumfati wemngani wami lotsandzekako kakhulu kimi. Ligama lakhe nguHimmelheber. Ngikubonile esitolo, lapha, kungesiko kadzeni. Anginalwati kutsi yini lengalungi ngawe. Ngiyakwati. Ngiyayati indvodza yakho. Indvodza yakho nami sikhule ndzawonye, njengebabafana. Futsi wafundzela, ngiyakholwa, kuba ngumluli wemalunga

lagobene, kuba ngumluli wemalunga lagobene. Kunjalo. Futsi ngi...kwati nje kutsi yini lengalungi ngawe. Kodvwa uma iNkhosi itokwembula kimi...

²⁶¹ Manje, Nkkt. Himmelheber, ngenca ye—ye—ye—yase Gilbert, nangadzadzewabo lengangivame kuhamba naye, uma ngenca—ngena yabo, uma bengingakuphilisa, bengingakwenta, kodvwa ngingeke. Kodvwa Utokwenta, uma utokholwa manje. Futsi uma Atokwatisa kutsi—kutsi...Kusobala, ngyialati ligama lakho. Futsi ngiyakwati sikhatsi lesidze, kodvwa angati kutsi yini lengalungi ngawe. Uma Nkulunkulu atongitjela kutsi yini lengalungi ngawe, utoMkholwa, ngekuphiliswa kwakho na? Sifo sekucacamba kwematsambo nguloko inkhatsato yakho. Ngiyakubona kubalukhuni, kutama kuphuma embhedzeni, ekuseni. Kunjalo impela. Kulungile. Buyela ekhaya futsi wemukele kuphiliswa kwakho, Nkkt. Himmelheber. INkhosi Nkulunkulu iyakuphilisa. Kholwa ngayo yonkhe inhlitiyo yakho.

²⁶² INkhosi ikubusise. Uyakholwa ngenhlitiyo yakho yonkhe na? Bani nekukholwa kuNkulunkulu. Kulungile.

²⁶³ Nangu dzadze. Buka lapha, dzadze. Cha, angimati lowesifazane. Ngicabanga kutsi asatani. Kodvwa Nkulunkulu uyasati, ngabe kunjalo na? Satalwa, ngekwehlukana ngeminyaka, kodvwa loku kukwekucala kuhlangana kwetfu, ngekwati kwami, noma niyati ngako. Loku kwekucala kwetfu. Uyambona anikina inhloko yakhe. Kunjalo. Lesi sikhatsi sekucala kutsi ngike ngimbone lowesifazane, emphilweni yami. Kodvwa—kodvwa Nkulunkulu usati sobabili. Bekasati kusukela sisebantfwana. Bekasati. Ngaphambi kwekutsi umhlabu uke ubunjwe. Bekati kutsi besitobe sime khona lapha, kusihlwa.

²⁶⁴ Bekati kutsi lesentakalo lesi siyokwenteka, ngaphambi kwekutsi kubekhona ngisho i—i—athomu noma i—molekhuli. Be—Bekakwati, Yena, ngoba Bekanguye. Ungu longenasiphetfo. Bekati yonkhe intfo ngaphambi kwekutsi umhlabu uke ubunjwe. Bekati yonkhe intfo leyake yenteka. Bekawati wonkhe umndozolo, sonkhe sikhatsi uma ucwabitisa liso lakhe. Wati yonkhe intfo, ngoba Ungulongenashiphetfo. Niyabona na? Futsi ungeke wabhekana nalo ngenasiphetfo kunoma yini. Uvele nje...U...Kukuphelela nje kwekuphelela, kwahlala ekhatsi. Usandza kufika nje. Nguloko kuphela. Niyabona na?

²⁶⁵ Manje, uma Angangitjela kutsi yini inkhatsato yakho, khona-ke utokholwa ngayo yonkhe inhlitiyo yakho na? [Lodzadze utsi, "Nkhosi!"—Umhl.] Utokwenta, yonkhe inhlitiyo yakho na? ["Yebo."] Kulungile.

²⁶⁶ Uphetfwe yinkhatsato yenhlitiyo lofuna kuyikhulekela. Inhlitiyo. Kunjalo.

²⁶⁷ Manje, lenye intfo letsite enhlitiyweni yakho, noko. Niyabona, ngakubamba loko. Niyabona na? Wena wacabanga, “Ngabe utongibuyisela emuva ngaphambi kwekutsi asho lentfo na?” Cha. Ngitonitjela. Ulapha ngenga yemfana, indvodzana yakho. Kunjalo. Naleyondvodzana ayikho lapha. Leyondvodzana ise-Ohio. Usesibhedlela se-TB, uneTB. Futsi akasindziswa. Futsi ukhulekela umphefumulo wakhe, nekusindza kwakhe. ISHO KANJE INKHOSI.

²⁶⁸ Ngikuphonsela insayeya kutsi ukuhlole loko, futsi ubone kutsi loko kucinisile yini, noma cha. Liciniso lelo. Akunjalo, dzadze na? [Lodzadze utsi, “Yebo, mnumzane. Amen.”—Umhl.] Liciniso, [“Yebo.”] Kulungile. Ngingeke sengiphilise. Utokholwa na? [“Yebo, mnumzane.”] Bese-ke uyahamba futsi wemukele. Njengoba nje ukukholiwe, nguloko impela nje lotokwemukela. Hamba, eGameni leNkhosi. Amen.

²⁶⁹ Uyakholwa ngenhlitiyo yakho yonkhe na? Uyabona na? Yena, i... Yebo-ke, kuKhanya kuyakhanya. Siyati lapho sikhona manje. SiseBukhoneni beNkhosi Jesu.

Wena utsi, “Ufundza tingcondvo takho.”

²⁷⁰ Kulungile. Ngingeke ngisho ngibuke lodzadze. Beka sandla sakho kusami, dzadze. Uma iNkhosi itongitjela ngalendlela, ngibuke *ngalapha*, kutsi yini lengalungi ngawe, utokukholwa na? Futsi ukholwe kutsi utophiliswa na? Kusecolo lakho. Kunjalo. Uma loko kunjalo, phakamisa ususe sandla sakho kusami. Hamba, upholisiwe. Jesu Khristu uyakusindzisa. Niyabona na? Kulungile.

²⁷¹ Uyi—UyiNkhosi nje Jesu, longuye itolo, namuhla, naphakadze. Kulungile.

²⁷² Lendvodza letako, ifuna kulapheka ekucacambeni kwemalunga emtimba? Uyakholwa kutsi Nkulunkulu utokuphilisa na? Buyela emuva futsi usindze. Kulula kanjalo nje. Kukholwe nje. Buyela esitulweni sakho futsi utsi, “Ngiyakholwa ngenhlitiyo yami yonkhe, ngayo yonkhe ingcondvo yami.” Utosindza. Kukholwe nje ngayo yonkhe inhlitiyo yakho. Ungangabati. Kulungile, mnumzane.

²⁷³ Lona wesifazane lapha, kusobala, niyabona uyachachatela. Unelidumbe. Mhlawumbe kukhona lokunye lokuliphutsa. Ake sibone. Yebo, mnumzane. Unesifo sashukela. Uyakholwa kutsi Nkulunkulu utokuphilisa kulesosifo sashukela, make na?

²⁷⁴ Nkhosi Nkulunkulu, silahla lentfo lembi, eGameni laJesu Khristu. Kwangatsi angaphiliswa. Amen.

Buyela esitulweni sakho futsi usindze, dzadze.

²⁷⁵ Uyakholwa ngenhlitiyo yakho yonkhe na?

²⁷⁶ Kutsiwani ngawe, lohleti lapho na? Uyakholwa na? Uyangikholwa kutsi ngingumprofethi waNkulunkulu na? Kune... Uma ungakholwa.

²⁷⁷ Wena longenalo likhadi lekukhulekelwa, wena lo—logulako nalodzingako, bani nekukholwa kuNkulunkulu. Ungakukholwa. Kulungile.

²⁷⁸ Uletse loyomfana kutsi aphiliswe. Kusecolo lakhe. Kunjalo. Ukhubatekile. Uyakholwa kutsi ungamtsatsa umbuyisele emuva entasi e-Arkansas, futsi asindze, futsi alunge na? Ufuna kuyekela ligwayi, futsi utsi, “Ngitoyekela,” futsi ngibe... futsi—futsi ukhonte iNkhosi futsi wente loko lokulungile na? Utokwenta na? Kulungile. Kulungile. Khona-ke hamba, ubeke sandla sakho etikwalomntfwana manje, nisemile lapho. Kwangatsi iNkhosi Nkulunkulu yaseZulwini ingaphilisa lomntfwana. Futsi akwente...

Ngikuphonsela insayeya kutsi ukholwe.

²⁷⁹ Kunadzadze lohleti lapha, lobuke ngemehlo akhe phansi, abuka, angibuka. Unenkhatsato ngemlente wakho. Kunjalo. Uyakholwa kutsi Nkulunkulu angangitjela kutsi ungubani na? Utongikhholwa na? Nkkt. Worley. Kulungile, mnumzane, loko kunjalo impela. Angikaze ngikubone emphilweni yami. Loyo ngumyeni wakho lohleti emvawkawho lapho. Ungumshumayeli. Angikaze ngimbone emphilweni yami, kodvwa lelo liciniso.

²⁸⁰ Uyakholwa kutsi Nkulunkulu angangitjela kutsi yini indzaba ngawe, mnumzane na? Unendzawo ebusweni bakho, awati noma ngumdlavuza, awati kutsi kuyini. Unekudzabuka kwesikhumba, futsi. Kunjalo. Ufuna kophiliswa. Liciniso lelo, Mnumz. Worley. Kulungile. Uyakholwa ngenhlitiyo yakho yonkhe na? [Lomnaketfu utsi, “Yebo.”—Umhl.] Khona-ke hamba futsi wemukele kophiliswa kwakho, eGameni leNkhosi Jesu. Nguloko-ke. Kunjalo.

²⁸¹ Utsini ngalamehlo akho? Uyakholwa kutsi Nkulunkulu utokusindzisa, emuva lapho, uhleti lapho ungibuka? Kulungile. Uma ukholwa ngenhlitiyo yakho yonkhe. Bani nekukholwa nje kuNkulunkulu, nguloko kophiliswa ukwente.

²⁸² O, hhe! Kwenteka yonkh’indzawo, manje, uma nje ungakukholwa. Kutfola lokunengi kakhulu ekhatsi lapha manje, wonkhe umuntfu utama kukholwa. Manje niyakholwa kutsi UyiNdvodzana yaNkulunkulu? Uyakholwa kutsi Unguye itolo, namuhla, naphakadze?

²⁸³ Manje, ngabe ukhona umuntfu lapha longaMati njengeMsindzisi wakho, futsi ufuna kusindziswa? Ningafuna kwenta loko? Awuzange umemukele Moya loNgewe, futsi bewungafuna kuta futsi ube kuKhristu, kuze ube likholwa? Phakamisa sandla sakho, uma utsi, “Ngingatsandza...” Nkulunkulu akubusise. Yenyukela lapha e-altari, khona manje.

²⁸⁴ Siphe ishuni lencane kuleyopiyano lapho, umzuzu nje, ngaphambi kwekutsi sicedze.

²⁸⁵ Ngiyakumema, wota lapha, e-altari lapha. Wota khona lapha futsi uguce phansi. Nguloko-ke, mfo lomncane. Sukuma khona lapho. Wota lapha, ntfombatanyana. Wena lo...Buka lomfanyana. Loko bekufanele kube lihlazo kulabanye. Ufuna kuwelela ngala, ngembili? Ufuna kusondzela kuYe? Wota ngco manje. Wota wenyuke ngco. Amen. Yenyuka ngco manje eBukhoneni baMoya loyiNgcwele. Kunjalo, mnaketfu. Wota, manje. Ningete nenyukela lapha futsi niguce phansi, ngaphambi kwekutsi inkonzo yekuphilisa ichubeke. Yenyukela khona lapha manje futsi uphiliswe emphefumulweni, bese uyabuka kutsi kwentekani. Ngena kuKhristu.

²⁸⁶ UyiNdlela, liCiniso, kuKhanya. Akukho muntfu lotako, ngaphandle kwaKhe. Utsi, iMethodisti, iBaptisti, iPresbyterian, iLuthela, noma ngabe ungebani, longakamemukeli Moya loNgcwele, manje sekusikhatsi sekukwenta. Yenyukan manje, futsi nite kuKhristu. Nitomangala ngaLoku. Ningeke nati kutsi Libanjwa kanjani. Ungeke uWucondze, ngaphandle uma wemukela Moya loNgcwele. Wota manje.

²⁸⁷ Uma ngikhulume liCiniso, Nkulunkulu wakhuluma kimi. Nkulunkulu wakhuluma ngami. Ngikhulume liCiniso. Nguye kuphela loyiNdlela. Nguye kuphela loSisekelo. Nguye kuphela insindziso. "Akukho nsindziso kunoma nguliphi lelinye ligama lelinikiwe ngaphansi kweliZulu, kodvwa eGameni laJesu Khristu." Ningete neta yini, niMemukele manje?

²⁸⁸ Bangakhi bahlubuki emuva lapho, labangatsandza kwenyukela lapha, baguce phansi manje? Wena lohlubukile futsi wesuka kuNkulunkulu, ungeta khona manje na? Yenyuka. Leli li-awa.

²⁸⁹ Manje bukani. Uma nikwala loku, angati noma kukhona yini, noma ngumuphi wenu, noma nguliphi litsemba lenu, noma cha. Manje, angisho kutsi ngoba ngime lapha. Kodvwa ngiyantjela, bangani, yini lenye Nkulunkulu langayenta na? Lesi sikhatsi. Leli li-awa Nkulunkulu lakhuluma ngalo kubantfu.

²⁹⁰ Kunjalo, dzadze. Kunjalo, bodzadze. Wotani ngco. Leli li-awa. Lesi sikhatsi senu. Ungeke usondzele edvute naYe, ute ufe futsi uye eBukhoneni baKhe. Ukhona lapha, atifikazela Yena lucobo kutsi uyaphila. Ungete weta na?

O Wundlu laNkulunkulu, ngiyeta! Ngiyeta!

Njengoba nginje nje, ngingenaso ngisho
nasinye sicelo,

Kodvwa kutsi iNgati yaKho yacitselwa mine,

Futsi njengoba ngita, ngitokholwa,

O Wundlu laNkulunkulu, ngiyeta! Ngiyeta!

Njengoba nginje nje, futsi angikalindzi
Kususa umphefumulo wami wamunye...

²⁹¹ Banelicashata linye lelimnyama, kungakholwa. Wotani. Ngiko loku.

Wena, INgati yaKhe lengahlanta licashata
ngalinye,
O Wundlu laNkulunkulu, ngiyeta! Ngi . . .

²⁹² BewungaMcosha kanjani, emvakwekuba Sekendlule emaVini, wotani kuMunfu, anati kutsi Ulapha, akhuluma nani, akhuluma nani manje na? LeloPhimbo lelincane likhuluma nawe. Loyo nguNkulunkulu. Ufuna ute. Asinaso sikhatsi lesidze kakhulu kutsi sibe ngalapha, bangani. Siyasuka lapha. Ningete neta yini futsi niguce nalesicuku lesi sebantfu na? Utsi, "Nkulunkulu, bani nemusa kimi. Manje ngifuna kwemukela Khristu. Ngifuna kutalwa kabusha. Ngifuna kugcwaliswa ngaMoya loNgewe. Ngifuna intfo lephatsekako. Ngifuna kuba ngiyo sibili."

²⁹³ Wotani, khona manje, nitungelete i-altari, njengoba sihlabela lelivesi lelilandzelako. Ningeta manje sisafika na?

²⁹⁴ Manje, labanye benu bantfu labangemaKhristu labalungile wotani lapha, nitungelete nabo. Labanye benu bantfu labagulako wotani, niguce phansi, futsi. Labanye benu bantfu laba ngemaKhristu, yenyukani niguce phansi nalaba, sisakhuleka.

. . . yemukelani,
Utwemukela, ucolele tono, utikhulule;
Ngoba . . .

Uta nabo, soni. Wota nabo, wena.

. . . Ngiyakholwa,
O Wundlu laNkulunkulu, Ngiyeta!

Yehelani khona lapha . . . ? . . .

Njengoba nginje nje, futsi angikalindzi
Kukhulula umphefumulo wami ecashateni
linye lelimnyama,
KuWe, LoNgati yaKho ikhona kuhlanta
licashata ngalinye,
O Wundlu laNkulunkulu . . .

²⁹⁵ Nitogeja esibusisweni uma ningeti.

Njengoba nginje nje, Utawungemukela,
Utokwemukela, kucolelwa, uhlante, ukhulule;
KuWe, Lo iNGati yaKho ikhona kuhlanta
licashata ngalinye,
O Wundlu laNkulunkulu, ngiyeta! Ngiyeta!

²⁹⁶ Kulungile. Akutsi lonkhe libandla manje likhotsamise tinhloko tenu. Nonkhe, ngemkhuleko, khulekelani labantfu labatungelete li-altari, nonkhe ngamunye.

²⁹⁷ Wonkhe umuntfu lapha e-altari, manje, sewufike etikwetisekelo teNngati lecitsiwe. Ute lapha kutokwemukela Moya loyiNgcwele. Ute kutotsetselelwa tono takho; Nkulunkulu, Lovumako nje nalovumako.

²⁹⁸ Kutobakhona emanti lalindzile. Ungeta echibini, kusasa, kutsi ubhabhatiswe, entasi ebandleni, uma umfundisi afuna kukuletsa lapho.

²⁹⁹ “Phendvukani, nguloyo naloyo wenu, futsi abhabhatiswe eGameni laJesu Khristu kuko kutsetselelwa kwetono, khona niyokwemukeliswa siphiko saMoya loNgcwele.”

³⁰⁰ “Kwatsi Phetro asakhulumamaVi, Moya loNgcwele wehlela kubo labaLiva, ngoba babeva bakhulumana getilimi.”

³⁰¹ Nkulunkulu waseZulwini, Lobeka nebaphostoli, LonguNkulunkulu kute kube phakadze, Ulapha kusihlwa.

³⁰² Manje wonkhe umuntfu akakhotsame emkhulekweni. Wonkhe umuntfu vele uphakamise liphimbo lakho futsi ukhuleke, lapho umelusi asasihola.

Mnaketfu Ruddell. Kulungile. 

60-0604 Sitawusuka Siye Kubani Na?
EGospel Tabernacle
EJeffersonville, E-Indiana E-U.S.A.

SWATI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprintwa yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org